

摘藻堂四庫全書薈要

子部

欽定四庫全書薈要

子部

御定駢字類編卷四

詳校官兵部主事臣雷純

欽定四庫全書薈要卷一萬一千九百三
子部

御定駢字類編卷四

天地門四



天

史記三皇紀一說三皇謂一一地皇人皇為三皇
既是開闢之初君臣之始圖緯所載不可全弃故

兼敘之天地初立有一氏十二頭澹泊無所施為而
俗自化木德王歲起攝提兄弟十二人立各一萬八千

歲又秦始皇紀丞相綰御史大夫劫廷尉斯等皆曰

臣等謹與博士議曰古有一一有地皇有秦皇泰皇最

貴臣等昧死上尊號王為泰皇晉書安平獻王孚傳

議者欲書魏者此以為一一之尊同於往古列國之君

也或欲書姓者此以為一之后同於往古之夫人也
周書宣帝紀大象元年秋七月丙申納大後丞司馬
消難女為正陽宮皇后尊天元帝太后李氏為一之位
后越絕書夫越王句踐雖東僻亦得繫於一一之位
無罪而王恒使其芻莖秩馬此非大過者四乎徐整
長歷溟滓始牙濛鴻滋萌歲起攝提元氣肇啟有神靈
人十三頭號曰一一雲笈七籤一一氏始興時老君
降三元空天宮以一一內經十四篇授與一一以治天
下三十六萬歲元稹東西道詩一一開四極便有東
西道皮日休酒鄉詩何人置此鄉者在一一外又
禮記曲禮大上貴德注大上帝皇之世疏熊氏云三皇
稱皇者皆行合一之星故詩緯含神務宋均注云北
極一一大帝其精生人然則稱皇者皆得一一之氣也
晉書天文志文昌北六星曰內階一一之階也星
經一一大帝一星在鈎陳中央也不記數皆是一星在
五帝前坐萬神輔錄圖也其神曰耀魄寶主御羣靈也

汪克寬紫微垣賦紫微之垣——之庭高高而在上
遙遙而莫登又後漢書張衡傳思元賦叫帝閭使聞

靡兮覲——於瓊宮注——天帝也神異經中央有

宮以金為牆門有金榜以銀鏤題曰——之宮又歷

代名畫記江陵——寺明帝置內有栢堂張僧繇畫盧

舍那佛像及仲尼十哲帝怪問釋門如何畫孔聖僧繇

曰後當賴此耳及後周滅佛法焚天下寺塔獨此殿有

宣尼像乃不令毀折杜甫久居夔府將適江陵詩喜

近——寺先披古畫圖遁甲開

山圖——被跡在柱州崑崙山下

天帝

詩胡然而——也胡然而——也箋何由然女見尊敬
如——乎非由衣服之盛顏色之莊與反為淫昏

之行又以赫厥靈上帝不寧箋康寧皆安也姜嫄以

赫然顯著之徵其有神靈審矣此乃——之氣也戰

國策虎求百獸而食之得狐狐曰子無敢食我也——

使我長百獸今子食我是逆——命也吾為子先行子

隨我後觀百獸之見我而敢不走乎虎遂與之行獸見之皆走虎不知獸畏已而走也以爲畏狐也漢書王莽傳是時爭爲符命封侯其不爲者相戲曰我獨無一

除書乎後漢書王喬傳顯宗世爲葉令後天下玉棺於堂前吏人推排終不搖動喬曰一一獨召我耶乃沐浴服飾寢其中蓋便立覆齊書禮志袁孝尼云明

堂法天之宮本祭一一而以文王配配其父於天位則可牽一一而就人鬼則非義也南史賀瑒傳瑒伯祖

道養工卜筮經遇工歌女人病死爲筮之曰此非死也一一召之歌耳乃以土塊加其心上俄頃而蘇唐書

禮樂志武德中上辛祈穀祀感帝於南郊季秋祀五方一一於明堂以元帝配越絕書當造此劍之時赤堇

之山破而出錫若邪之溪涸而出銅雨師掃灑雷公擊

橐蛟龍捧鑪一一裝炭太一下觀天精下之毆冶乃因

天之精神悉伎巧造爲大刑三小刑二一日湛盧二曰純鉤三曰勝邪四曰魚腸五曰巨闕說苑昔白龍下

清冷之淵化為魚漁者豫且射中其目白龍上訴
天帝曰當是之時若安置而形白龍對曰我下清冷之
淵化為魚——貴畜也豫且宋之賤臣也白龍不化豫且不
白龍——
射神異經北方有獸焉其狀如獅子食人吹人則病
名曰獾恒近人邨里入人居室百姓患苦——徙之北
方荒中三輔黃圖成帝綏和二年鄭通里人王褒絳
衣小冠帶劔入北司馬門殿東門上前殿至非常室中
解帷組結佩之名前殿署長業等曰——令我居此業
等收縛考問乃故公車大誰卒病狂易不自知入宮下
獄死虞喜志林嘖曰——醉秦暴金誤隕石墜雲
笈七籤九天真人呼風為浮金房在明霞之上九戶在
瓊闕之內此皆太微之所館——之玉宇也又吳王
出遊觀震湖龍威丈人山隱居北上包山入靈墟乃入
洞庭竊禹書——大文不可舒此文長傳百六初若強
取出喪國廬韓愈黃陵廟碑山海經曰洞庭之山帝

之二女居之郭璞疑二女者帝舜之后不當降小水為其夫人因以二女為一之女張淵觀象賦既覩勾陳中禁復覩一休息李華含元殿賦上取法於一乃圖正殿之迤居鄭愔奉和幸大薦福寺詩國會人王法宮還一一遊

天王

春秋隱公元年一一使宰咺來歸惠公仲子之賵疏一一平王也又僖公二十八年冬一一守于

河陽穀梁傳全一一之行也為若將守而遇諸侯之朝也為一一諱也穀梁傳尊王世子于首戴乃所以尊

一一之命也世子含王命會齊桓亦所以尊一一之命也吳語越王命諸稽郢行成於吳曰昔者越國見禍

得罪於一一天王親趨王趾以心孤勾踐而又宥赦之君王之於越也翳起死人而肉白骨也孤不敢忘天災

其敢忘君王之大賜乎史記文帝紀丞相陳平太尉周勃等使人迎代王代王報太后計之猶與未決卜之

龜卦兆得大橫占曰大橫庚庚余為一夏啟以光代
王曰寡人固以為王矣又何王卜人曰所謂一者乃
天子於是代王乃遣太后弟薄昭往見絳侯漢書梅
福傳高祖棄陳平之過而護其謀晉文召一一齊桓用
其讐亡益於時不顧逆順此所謂伯道者也後漢書
皇后紀論后正位宮闈同體一一晉書安平獻王孚
傳八月庚辰宋公和卒書國稱名所以異乎一一也
齊書鬱林王紀昭業謂豫章王妃庾氏曰阿婆佛法言
有福德生帝王家今日見作一一便是大罪左右主帥
動見拘執不如作市邊屠酤富兒百倍矣汲冢周書
元年春正月辛丑即一一位柴燎告天朝百官於路門
莊子昔者舜問於堯曰一一位之用心何如堯曰吾不
教無告不廢窮民苦死者嘉孺子而哀婦人此吾所以
用心已易林一一執政歲熟民富國家豐有王者以
表獨斷一一諸夏之所稱天下之所歸往故稱一一
前秦錄苻健皇始元年正月僭即一一位於南郊大

赦改晉永和七年為皇始元年追尊父洪為太祖武惠
皇帝繼宗廟社稷於長安立妾強氏為一皇后子長
為一一太子水經注祝良字石卿為洛陽令歲時亢
旱天子祈雨不得良乃暴身階庭告誠引罪自晨至午
紫雲水起甘雨登降人為歌曰天久不雨烝人失所一
一出祝令持苦精符感應滂沱下雨王十朋民事
堂賦茲畎畝之惓惓兮願入告於一一杜甫諸將詩
炎風朔雪一一地只在忠良翊聖朝李華詠史詩三
老與五更一一親割牲蘇軾江上值雪效歐陽體次
子由韻一一臨軒喜有麥宰相獻壽及嘉時又公羊
傳注房心天子明堂布政之官也疏文耀鉤云房心為
中央火星一一位若相對言之則房為明堂心為一一
矣既有一一復有明堂布政之象也史記天官書東
宮蒼龍房心心為明堂大星一一前後星子屬不欲直
直則一一失計注索隱曰鴻範五行傳曰心之大星一
也後漢書襄楷傳閏月庚辰太白入房犯心小星

震動中耀中耀——也傍小星者——子也 晉書天文志心三星——正位也 又大角在攝提間大角者

——座也 張衡天象賦粵若大火赫然——鉤鈐儼

於鳳闕積卒穆於龍驤 又史記韓安國傳單于入漢

長城武州塞未至馬邑百餘里行掠鹵徒見畜牧于野

不見一人單于怪之攻烽燧得武州尉史欲刺問尉史

尉史曰漢兵數十萬伏馬邑下單于顧謂左右曰幾為

漢所賣乃引兵還出塞曰吾得尉史乃天也命尉史為

——又元史輿服志東——旗青火脚繪神人武士

冠衣金甲緋綳襠右手執戟左手捧塔履石 李商隱

韓碑詩霽懸相印作都統陰風慘澹——旗 又道教

三洞宗元赤精開皇元年七月七日丙午中時登琳琅

之都月之上館受符於元始——開金陽玉匱元和玉

女口命出皇民錄譜 又太平廣記長安持國寺門前

有槐樹數株金監買一株解之每片一——塔戰成就

馬 全唐詩詒常樂坊趙景公寺門南吳道元畫龍及

刷一鬚筆蹟如鐵名畫錄趙公祐長安人也寶歷
中寓居蜀城工畫人物尤善佛像一鬼又陳皓
彭堅者不知何許人也開成中寓止蜀城大中年府主
杜相公起淨衆等寺門屋因請陳彭二公各畫一一
堵各令一客將伴之以慢幕遮蔽不令相見欲驗誰之
強弱至畫告畢之日相國與諸府寮徹其慢幕南畔仗
劍振威者彭公筆北畔持弓奮赫者陳公筆二公筆力
相似觀者莫能昇降蘇軾四菩薩閣記長安有藏經
龕其門四達八版皆吳道子畫陽為菩薩陰為一一
又明一統志一一山在處州府城西二里其上有唐時
一一像故名又一一臺在大同府城北元魏所建離宮今有舊城遺
址又一一臺在大同府城良鄉縣治東南洪武十五年
建永樂十三年重脩又一一祠在大同府應州城內
舊為一一邨晉王李克用母禱此
祠有金甲神人躍出果生克用

天子

易大有九三公用亨于
萬邦百官承式
又洪範
書說命
惟君

下王

詩悉率左右以燕
又虎拜稽首
又萬年
又作召

君子使媚于

又虎拜稽首
又萬年
又作召

公考

萬壽
又明明
令聞不已
又赫赫業

業有嚴

春秋
隱公九年
春天王使南季來聘杜

注南季

大夫也
又紀季姜歸于京師公羊傳京

師者何

之居也
京者何大也
師者何衆也

居必以衆大之辭言之

左傳
建德因生以賜姓

胙之土而命之氏

禮記曲禮
君天下曰
又禮

運

以德為車以樂為御
又大學
自
以至于

庶人壹是皆以修身為本

又中庸尊為
論語

天下有道則禮樂征伐自

出
孝經愛敬盡于事

親而德教加于百姓刑于四海此

之孝也
孟子

事也

史記項羽紀
范增說項羽曰沛公居山東時貪

於財貨好美姬今入關財物無所取婦女無所幸此其
志不在小吾令人望其氣皆為龍虎成五采此氣
也急擊勿失又梁孝王世家得賜旌旗出從千
乘萬騎東西馳獵擬於漢書賈誼傳凡者
天下之首何也上也又蘇武傳天漢元年且鞮侯單
于初立恐漢襲之廼曰漢我丈人行也盡歸漢使
路充國等又史丹傳元帝留好音樂或置鼙鼓殿下
自臨軒檻上墮銅丸以撻鼓聲中嚴鼓之節又
爰延傳尊為無上故以為一位臨臣庶威重四
海又張放傳放娶皇后弟平恩侯許嘉女上為放供
帳賜甲第充以乘輿服飾號取婦皇后嫁女後
漢書光武紀識記曰劉秀發兵捕不道卯金修德為
一又竇融傳璽書既至河西咸驚以為明見萬
里之外網羅張立之情晉書郭璞傳璞嘗為人葬帝
微服往觀之因問主人何以葬龍角此法當滅族主人
曰郭璞云此葬龍耳不出三年當致也帝曰出一

一邪答曰能致一一問耳帝甚異之宋書夷蠻傳呵

羅單國王毗沙跋摩奉表曰常勝一一陛下諸佛世尊

常樂安隱三達六通為世間道是名如來應供正覺

又闍婆婆達國元嘉十二年國王師黎婆達陀阿羅跋

摩遣使奉表曰宋國大王大吉一一足下敬禮一切種

智安隱天人師降伏四魔成等正覺轉尊法輪度脫衆

生教化已周入於涅槃國界廣大民人衆多官殿城郭

如忉利天宮名大宋揚州大國大吉一一安處其中

北史齊後主紀為無愁之曲帝自彈胡琵琶而唱之侍和

之者以百數人間謂之無愁一一又任城王孫順傳時三

公曹令史朱暉素事錄尚書高陽王雍雍欲以為廷尉

評頻煩託順順不為用雍遂下命用之順投之於地雍

聞之大怒昧爽生都聽欲待順至於衆挫之順日高方

至雍攘袂撫几而言曰身一一之子一一之弟一一之

叔一一之相四海之內尊親莫二元順何人以身成命

投棄於地順厲聲曰殿下必如是順當依事奏聞唐

書表天綱傳天后之幼天綱見其母曰夫人法生貴子
 天后最幼姆抱以見給以男天綱視其步與目驚曰龍
 瞳鳳頸極貴驗也若為女當作一宋史太祖紀世
 宗在道閱四方文書得韋囊中有木三尺餘題云點檢
 作一一異之時張永德為點檢世宗還京師拜太祖檢
 校太傅殿前都點檢以代永德恭帝即位七年春北漢
 結契丹入寇命出師禦之次陳橋驛夜五鼓軍士集驛
 門宣言策點檢為一一遲明逼寢所太宗入白太祖起
 諸校露刃列於庭曰諸軍無主願策太尉為一一未及
 對有以黃衣加太祖身衆皆羅拜呼萬歲又每對近
 臣言太宗龍行虎步生時有異他日必為太平一一福
 德吾所不及云素問人能應四時者天地為之父母
 知萬物者謂之一一春秋元命苞女登生子人面龍
 顏始為一一白虎通一一者爵稱也爵所以稱一一
 者何王者父天母地為一一之一也水經廬江水出三
 一一都北過彭澤縣西北入于江春秋繁露一祐而

一之稱一語林代宗寬厚出於天性幼時元宗每
坐於前熟視之謂武惠妃曰此兒有異相亦是吾家一
有福一又上為皇孫時風神秀異英姿雋邁於朝
堂叱武攸暨我國家朝堂汝安得恣蜂蠆而狼顧耶則
天聞之曰此兒氣緊終當是吾家太平一又元宗
宴蕃客唐崇勾當音聲言甚明辨上極歡宗因長入人
許小客求教坊判官久之未敢奏一日過崇曰今日崖
公甚蜺斗欲為弟奏請沉吟未敢散樂呼一一為崖公
以歡為蜺斗以每日在至尊左右為長入又憲宗七
歲德宗抱置膝上戲曰汝是何人乃在我懷中對曰是
第三一一德宗大喜柳氏嘗聞代宗之誕三日上幸
東宮賜之金盆命以浴上大喜置諸掌內向日視之笑
曰此兒福祿一過其父及上起還宮盡留內樂謂力士
曰此一殿有三一一樂乎哉開天傳信紀上在藩邸
或遊行人間萬回於聚落街衢高聲曰一一來或曰聖
人來其處信宿間上必經過徘徊也松憲雜錄上自

臨淄郡王為潞州別駕乞假歸京師會春暮豪家子數輩盛酒饌游於昆明池選勝方宴上戎服臂小鷹於野次因疾驅直突會前諸子輩頗露難色忽一少年持酒船唱令曰宜以門族官品備陳之酒及於上因大聲曰曾祖——父相王臨淄郡王某也諸少年聞之驚走四位與茅土皆非所要為陛下帷幄運籌收京師後但枕——膝睡一覺使有司奏客星犯帝座一動天文足矣肅宗大笑及南幸扶風每頓必令泌領元帥兵先發清行宮收管鑰奏報然後肅宗至至保定郡稍懈先於本院寐肅宗來入院不令人驚之登牀捧泌首置於膝良久方覺上曰——膝已枕矣剋復之功當在何時可促償之泌遽起謝恩坐間鼓吹苗帝師因於名場一年似得復落第春景暄妍策蹇驢出都門貰酒一壺藉草而坐醺醉而寐久之既覺有老父在其旁曰郎君寧要知前事耶苗曰某應舉已久有一第分乎曰大有事但

更問苗曰一郡寧可及乎曰更向上曰廉察乎曰更向上苗公乘酒猛問曰將相乎曰更向上苗公怒全不信因肆言曰將相向上作——乎老父曰——真者即不得假者即得苗都以為怪誕揖之而去後果為將相及德宗昇遐攝冢宰三日 虬髯客傳客曰李郎亦閬太原有異人乎曰嘗識一人愚謂之真人也曰何姓曰靖之同姓曰李郎能致吾一見乎曰靖之友劉文靜者與之狎因文靜見之可也入太原偕詣劉氏詐謂文靜曰有善相者思見郎君請迎之使迴而至不衫不履褐裘而來神氣揚揚貌與常異虬髯默然居末坐見之心死飲數杯招靖曰真——也 太真外傳上嘗製紫雲迴又製凌波曲二曲既成就按於清光小殿自旦至于歡洽異常時惟妃女弟秦國夫人端坐觀之曲罷上戲曰今日幸得供養夫人請一纏頭曰豈有大唐——阿姨無錢用耶遂出三百萬為一局焉 江南別錄元宗立長子冀為太子時丹徒得古銘曰——冀州人衆以冀

應之未幾冀卒識者謂冀州趙地也避暑漫抄蕭瑀嘗因宴太宗謂近臣曰自知一座最貴者先把酒瑀引手取杯帝問曰卿有何說瑀對曰臣是梁朝——兒隋室皇后弟唐朝左僕射——親家翁太宗撫掌極歡而罷江行雜錄溫公先隴在鳴條山墳所有餘慶寺公一日省墳止寺中有父老五六輩上謁曰某等聞端明在縣日為諸生講書村人不及往聽今幸略說公即取紙筆書庶人章講之既已復前白曰自——章以下各有毛詩兩句此獨無有何也公默然少許謝曰某平生慮不及此村父笑而去錢氏私志王岐公在翰苑值中秋夕帝召至賜酒對御榻坐令宮嬪進酒各以巾帶索詩已令脫金珠雀簪簪其幞頭曰須與潤筆宴畢輟金蓮燭送歸院明日都下盛傳——請客夢溪筆談陳文惠為樞密一日中人宣召引入一小殿相繼而至者凡七人宴具甚盛上語笑極歡酒五六行各出兩絳囊置羣臣之前皆大珠也上曰太平難遇此物助御等

宴集之費酒罷已四鼓時人謂之——請客 海錄碎
事王維為詩——杜甫為詩宰相 劉安諫伐閩越書

周易曰高宗伐鬼方三年而克之鬼方小蠻夷高宗殷
之盛——也以盛——伐小蠻夷三年而後克言用心

之不可不重也 兒寬封禪儀對惟——建中和之極

兼總條貫金聲而玉振之 吾丘壽王武德論——文

明四夷向風 褚少孫三代世表論后稷姜嫄為姜嫄出見

大人蹟而履踐之知于身則生后稷姜嫄以為無父賤

而棄之道中牛羊避不踐也抱之山中山者養之又捐

之大澤鳥覆席食之姜嫄怪之于是知其——乃取長

之 司馬相如上林賦且夫齊楚之事又烏足道乎君

未覩夫巨麗也獨不聞——之上林乎 張衡東京賦

——有道守在海外 班固東都賦——受四海之圖

籍膺萬國之貢珍 曹植責躬賦赫赫——恩不遺物

杜甫大食刀歌攬環結佩相終始萬歲持之護——

又城上詩八駿隨——羣臣從武皇 盧綸天長久

辭——方清暑宮娃起夜妝白居易長恨歌聞道漢
家——使九華帳裏夢魂驚王建宮中三臺辭——
千年萬歲未央明月清風又朝天辭無人敢奪在先
籌——門邊送與毬又宮辭——下簾親考試宮人
手裏過茶湯又太平——朝元日五色雲車駕六龍
李商隱陳後宮詩從臣皆半醉——正無愁又韓
碑詩元和——神武姿彼何人哉軒與羲溫庭筠雞
鳴埭曲南朝——射雉時銀河耿耿星參差喻鳧贈
張漬處士詩道高——問名重四方招鄭谷錦詩紅
迷——帆邊日紫奪星郎帳外蘭劉駕獻賀鴈詩——
——壽萬歲再拜獻此觴張祜寓懷寄蘇州劉郎中詩
——好文才自薄諸侯力薦命猶奇蘇軾開元遺事
詩破費八姨三百萬大唐——要纏頭又詩時邁其
邦昊——其——之幾武王既定天下時出行其邦國——其
之——愛

天君

後漢書東夷傳諸國邑各以一人主祭天神號為
雲笈七籤金書祕字太上首命付諸

青真小童奉受修習傳太極真人清虛真人南嶽赤松
子劉子先等寶祕尤嚴得者勿泄又范浚心箴君子

存誠克念克敬
泰然百體從令

天主

宋書呵羅單國傳揚州城無憂——愍念羣生安
樂民人律儀清淨慈心深廣正法治化供養三寶

名稱遠至一切並聞
又史記
封禪書八神一曰——祠天齊

天后

唐書高宗則天皇后武氏傳上元元年進號——
又宋史樂志哉哉雙闕濟濟明堂諸侯執帛——

——當陽
又陸龜蒙入林屋洞詩題之為左神理之以
——自注林屋洞為左神幽虛之天即——真君之便

闕

天妃

元史世祖紀制封泉州神女號護國明著靈惠協正善慶顯濟

康王曰廣濟資寶王曰永澤泉州海神曰護國庇民明著

海運有奇應加封神號積至十字廟曰靈慈直沽平江周涇泉福興化等處皆有廟明一統志

在遼東都司金州衛旅順口海舟漕運多泊廟下又

仁善濟官有御製碑又廟在瓊州府城北

十里海口昔宋莆田人林氏女歿為神極靈驗凡渡海

者必祭卜歷代

累封號

天嬪

宋書明帝陳貴妃傳見後星樞下

天人

詩文王陟降在帝左右傳言文王升接一下接也疏人君在人之上在天之下其升降唯

故知言文王升接天下接人謂與之交接天則恭敬承
事以接之人則恩禮撫養以接之春秋六月雨公羊

傳其言六月雨何上雨而不甚也注所以詳錄賢君精

誠之應也僖公飭過求已六月澍雨宣公復古行中其

年穀大豐明一相與報應之際不可不察其意史

記司馬相如傳厥之有章不必諄諄依類託寓諭以封

巖披藝觀之一之際已交上下相發允答聖王之德

兢兢翼翼也漢書董仲舒傳臣謹案春秋之中視前

世已行之事以觀一一相與之際甚可畏也晉書禮

志魏明帝黃初中護軍蔣濟曰夫帝王大禮巡狩為先

昭祖揚禰封禪為首是以自古革命受符未有不蹈梁

父登泰山刊無竟之名紀一一之際者也宋書徐爰

傳伏惟皇家承金行之流季鍾經綸之屯極擁元光以

鳳翔秉神符而龍舉剏定鯨鯢一一佇屬齊書高帝

紀從一一而齊七政凝至德而撫四維申鑒一一之

應所由來漸矣故履霜堅冰非一時也仲尼之禱非一

朝也中說文中子曰春秋其以天道終乎故止於獲麟元經其以人事終乎故止於陳亡於是乎備矣

薛收曰何謂也子曰一相與之際甚可畏也故君子備之徐陵皇太子臨辟雍頌序粵以十一年三月二

十一日受詔弘宣發論語題攝齊升堂握衣即席對揚一開闢大訓清言既吐精義入神金寔方竹軒賦

正論一江都遠擯湯原登瀛州賦蓋十有八人之在選也莫不胷吞乎雲夢學貫乎一張華正旦大

會行禮詩受終正位協應一皎然僧和評事判官詩學究一知遠識權分鹽鐵許良壽又魏志曹仁

傳吳將周瑜將數萬衆來攻前鋒數千人始至仁遣部曲將牛金逆與挑戰長史陳矯俱在城上望見金等垂

沒左右皆失色仁意氣奮怒甚謂左右取馬來徑渡溝直前衝入賊圍金等乃得解矯等初見仁出皆懼及見

仁還乃歎曰將軍真一也三軍服其勇莊子不離于宗謂之一中說薛收問仲長子光何人也子曰

——也收曰何謂——子曰渺然小乎所以屬於人曠
哉大乎獨能成其天水經注支僧載外國事曰佛泥
湮後——以新白縹裹佛以香花供養滿七日盛以金
棺送出王宮渡一小水水名醯蘭那去王宮可三里許
在宮北以旃檀木為薪——各以火燒薪薪了不然
神仙傳忽有——下千乘萬騎金車羽蓋驂龍駕虎不
可勝數或自稱柱下史或稱東海小童乃授陵以新出
正一明威之道陵受之能治病於是百姓翕然奉事之
以為師五燈會元佛以二月八日明星出時成道號
——師高道傳袁起者後漢時湘中人在鄉忽醉三
日始醒起吐皆聞酒氣自云與——共飲黃庭內景
經淡然無味——糧子丹進饌肴正黃名畫錄洪度
者蜀人也元和中府主相國武公請於大聖慈寺東廊
下維摩詰堂內畫帝釋梵王兩堵笙竽鼓吹——姿態
筆蹤妍麗時之妙手莫能偕焉徐陵諫仁山深法師
罷道書曠濟羣品為——之師水陸空行皆所尊貴

皎然遙酬袁使君高春暮行縣過報德寺見懷詩咫尺
空界色——花落時張昱輦下曲西方舞女即——
玉手曇花滿把春又晉書應貞傳峨峨列辟赫赫武
臣內和五品外威四賓順時貢職入覲——備言錫命
羽蓋朱輪張甫花萼樓賦掩宮扉則聞簫聲之下漢
卷珠箔則觀——之在樓沈佺期冬日都門送司馬
員外逸客孫員外佺北征詩廟略——授軍麾相國持
杜甫贈特進汝陽王詩持進羣公表——夙德升
又八哀詩汝陽讓帝子眉宇真——李商隱鷺鳳詩
王子調清管——降紫泥杜牧杜秋娘詩燕襟得皇
子壯髮綠綫綫畫堂授傅姆——親捧持又明一統
志——山在廬州府英山縣北三十里險峻有寨宋鄉
民嘗避
兵於此

天老

漢書藝文志——雜子陰道二十五卷後漢書
張衡傳方將帥——而友地典與之乎高晚而大

談孔甲且不足慕焉稱殷彭及周聃
軒轅卜兆龜焦卜者請訪諸賢哲
軒轅乃問一一天老
謂為善遂從其言終致吉昌
宋史藝文志蘇登一
神光經一卷列子黃帝夢遊華胥之國既寤召一
力牧太山稽告之曰朕閒居疲而睡所夢若此
韓詩
外傳黃帝即位施惠承天一道修德惟仁是行
宇內和平
未見鳳凰惟思其象夙寐晨興乃召一而問之曰
鳳象何如一對曰夫鳳象鴻前麟後蛇頸而魚尾
龍
文而龜身燕頤而雞喙戴德負仁抱忠挾義小音
金大
音鼓延頸奮翼五彩備明舉動八風氣應時雨食
有質
飲有儀往即文始來即嘉成
韋輔錄黃帝七輔風后
受金法一受天籙五聖受道級知命受糾俗窺紀受
變復地典受州絡力墨受準斤
李白大獵賦一掌
圖風后侍側
張衡同聲歌象夫所希見一一教軒皇
張說奉和聖製太行山中言志詩
扈蹕參一一承榮
忝夏官
杜甫奉留贈集賢院崔于二學士詩一一書

題目春官驗討論王維贈焦道士詩——能行氣吾

師不養空儲光羲劉先生閑居詩期之比——真德

輔帝鴻又詩談李長吉歌詩有天若有情——亦——石

曼卿嘗對以月如無恨月常圓人以爲勁敵盧枏水

亭賦壽——今歷萬年陳陶錢唐對酒詩鴟夷公子

休悲悄六鰲如鏡——始——范成大中巖送別詩月生

後夜——應——淚

落中巖水不流

天公

後漢書南匈奴傳論棄蔑——坐樹大鯁宋書
天文志見天闕下又沈攸之傳江州刺史桂陽

王休範密有異志以微旨動攸之使道士陳公昭作——
書一函題云沈丞相夕送付攸之門者攸之不開書

推得公昭送之朝廷皮日休苦雨詩豪華滿眼語不
信不如直上——賤皎然問天詩——何時有談者

皆不經陸游晨起南窗晴日可愛詩

蕭散山林一幅巾——乙與自由身

天翁

酉陽雜俎——姓張名堅字刺渴漁陽人嘗張羅得一白雀愛而養之夢天劉翁責怒每欲殺之白

雀輒以報堅堅設諸方待之終莫能害——遂下觀之堅盛設賓主乃竊騎——車乘白龍振策登天——乘

餘龍追之不及堅既到元宮易百官杜塞北門封白雀為上卿侯劉翁失治徘徊五嶽作災堅患之以劉翁為

太山太守韓愈嗟哉董生行嗟哉

董生孝且慈人不識惟有——知

天父

魏志高柔傳宜除妖謗賞告之法以——養物之仁宋書禮志夫崇三綱之始以定乾坤之儀安

有——之尊而稱臣下之命以納伉儷安有臣下之卑而稱——之名以行大禮淮南子聖人法天順情不

拘於俗不誘於人以——為——以地為母陰陽為綱四時為紀陸肱乾坤為天地賦大矣哉確然示易若——之

物焉

天母

沈約為文惠太子禮佛願疏一一之德
厚載不能加任姒之盛坤儀寧足匹

天姆

張昱輦下曲為造龍舟載
院家催進畫圖來

天兄

北史倭國傳開皇二十年遣使詣闕上令所司訪
其風俗使者言倭王以一一為一一以日為弟天明時

出聽政日出使停理務云委吾弟文
帝曰此大無義理於是訓令改之

天妹

詩大邦有子倪一一之一一傳倪磬也
則卜之又知太姒之賢尊之如天之有女弟疏天

無形形物非如人有親族言
一一者繫之于天見尊之耳

天男

畫史戴逵觀音在余家
一一相無髭皆貼金

天女

史記天官書其北織女織女一一孫也注徐廣曰
孫一作名 晉書天文志織女三星在天紀東端

歸自外夜有設祠者饗餌馨香蔬果交羅插竹垂綬剖

瓜犬牙且拜且祈怪而問焉女隸進曰今茲秋孟七夕

拙手目開利組絰縫製將無滯於心焉為是禱也又

魏書序紀聖武帝諱詰汾嘗田於山澤歛見輜輶自天

而下既至見美婦人自稱一受命相偶旦日請還期

年復會於此及期帝至先田所果復相見一以所生

男授帝曰此君之子也當世為帝王語訖而去子即始

祖也維摩經維摩詰室有一一聞所說法便現其

身即以天花散諸菩薩大弟子上花至諸菩薩即皆墮

落至大弟子便著不墮又一居維摩室與舍利弗

發明禪理維摩曰此一已能游戲菩薩之神通也

法苑珠林佛悉現身令盡見之更增歡喜身體端正猶

如一一畫史顧愷之維摩一一飛仙在余家江總

花贊散由一一賣乃王家梁肅壁畫三像贊以五綵

色寫釋迦如來像於所居之宇吉祥——像在左多聞
天王像在右郭正域瑞蓮賦將梵王之——步金網
而照寶牀王維過福禪師蘭若詩羽人飛奏樂——
跪焚香元稹西明寺牡丹詩自從——盤中見直至
今朝眼更明顧雲華清辭太上符籙龍蛇蹤散花——
侍香童皮日休揚州看辛夷花詩應為當時——
服至今猶未放全紅皎然荅李季蘭詩——來相試
將花欲染衣禪心竟不起還捧舊花歸蘇軾游徑山
詩精神貫山石為裂——下試顏如蓮又和楊公濟
梅花詩結習已空從著袂不須——問如何又朝雲
詩阿奴絡秀不同老——維摩總解禪陸游夜大雪
歌初疑——下散花復恐麻姑行擲米馬祖常送華
山隱之宗陽宮詩神君攀綠桂——踏青莎袁桷寄
開元奎律師詩江神夜聽光明偈——朝分解脫香
張昇繡毬花詩——夜涼乘月到羽輪偷駐碧闌干
又唐書儀衛志大橫吹部有二十四曲——怨

琴曲譜錄——怨下古琴弄名 又古今注鷺一名神女一名——一名鷺鳥詩云燕燕于飛差池其羽齊人

呼為鷺也 又宋九域志岷山上有——祠 明一統志——城在雲南府晉陵州西昔李穀之女秀代父領

鎮時所築

天孫 史記天官書見天女下 庾信周柱國大將軍長孫儉神道碑公諱儉初名慶明恒州高陸人也北

岳——之星燕河帝子之國故多奇節甚茂華風 柳宗元乞巧文下土之臣竊聞——專巧於天轆轤璇璣

經緯星辰能成文章黼黻帝躬以臨下民欽聖靈仰光耀之日久矣 蘇軾潮州韓文公廟碑手扶雲漢分天

章——為織雲錦裳 黃佐乾清宮賦儼河鼓之——函菱荻以晞日 趙彥昭奉和幸安樂公主山莊詩靈

泉巧鑿——渚孝筍能抽帝女枝 唐彥謙七夕詩而予願乞——巧五色紉針補袞衣 陸游露坐詩——

老抱河梁恨豈獨人生事可悲
有情難獨夜——無賴早斜河

范成大即席詩月姊
劉因仲誠家藏張蔡

公石女翦製香奩詩豈知此巧復絕代
夜月靜拂——絲表楠次韻伯庸開平書事詩明知風伯秋當路更

候——夜度河——又徐陵丹陽上庸路碑專州典郡青
鳧赤馬之船皇子——鳴鳳飛龍之乘莫不興期利涉

玩此修渠——沈佺期壽陽王花燭詩仙媛乘龍夕——
捧鴈來——又歲夜安樂公主滿月侍宴詩除夜子星回

——滿月杯——又唐書宗室傳皎子叢以幼流死嶺表
葬安南人號其冢為——墓——又博物志泰山一曰——

一言為——帝——也主召人魂魄東
方藥物始成知人生生命之長短

天親——道德指歸論無義無仁六合之內和合——無節
無禮四海之內親為兄弟——又王維過乘如禪師

蕭居士嵩丘蘭若詩無著——
弟與兄嵩丘蘭若——一峰晴

天宗

禮記月令孟冬之月天子乃祈來年于——太割祠于公社及門閭臘先祖五祀注——謂日月星

辰也

晉書禮志散騎常侍劉劭以為萬物負陰而抱陽冲氣以為和六宗者太極冲和之氣為六氣之宗者

也虞書謂之六宗周書謂之——

天族

晉書慕容超載記——多奇玉林皆寶

天屬

晉書石弘載記程遐曰中山王雖為皇太后所養非陛下——不可以親義期也宋書蔡興宗傳

有解士先者告申坦昔與丞相義宣同謀時坦已死子令孫時作山陽郡自繫廷尉與宗議曰若坦昔為戎首

身今尚存累經肆責猶應蒙宥令孫——理相為隱况人亡事遠追相誣訐斷以禮律義不合闕莊子林回

棄千金之壁負赤子而趨或曰為其布與赤子之布寡矣為其累與赤子之累多矣棄千金之壁負赤子而趨

何也林回曰彼以利合此以——也夫以利合者迫窮禍患害相棄也以——者迫窮禍患害相收也王儉

褚淵碑文又以居母艱去官雖事緣義感而情均——柳宗元代韋中丞賀元和大赦表既行慶於官寮亦

推恩於——杜甫行次昭陵詩——尊堯典神功協禹謨

天家晉書胡奮傳楊駿以后父驕傲自得奮謂駿曰卿恃女更益豪邪歷觀前代與——婚未有不滅門

者但早晚事耳魏書咸陽王禧傳世宗既覽政禧意不安而其國齊帥劉小苟每稱左右言欲誅禧禧聞而歎

曰我不負心——豈應如此由是常懷憂懼

天姻宋書孝武王皇后傳閭有對本隔——李商隱戊辰會靜中出貽同志詩玉管會元圃火棗承

天殤

齊書巴陵王昭秀等傳
贊文惠二王于嗟

天官

禮記曲禮天子建一先六大曰大宰大宗大史
大祝大士大卜典司六典周禮一

疏一一家宰鄭目錄云象天所立之官也家大也宰者
官也天者統理萬物天子立冢宰亦所以統御百官使

不失職

又維王建國辨正方位體國經野設官分職

以為民極

乃立一冢宰使帥其屬而掌邦治以佐王

均邦國

史記太史公自序太史公既掌一不治民

有子曰遷

又星氣之書多雜機祥不經推其文考其

應不殊比集

論其行事驗於軌度以次作一書第五

漢書司馬遷傳

太史公學一於唐都受易於楊何

習道論於黃子

又李尋傳一一上相上將皆顓面正

朝憂責甚重要在得人得人之效成敗之機不可不勉

也又谷永傳永於經書汎為疏達其於一京氏易

最密故善言災異

後漢書申屠剛傳王者承天順地

典爵主刑不敢以——私其宗不敢以天罰輕其親
又班固傳——景從祲威盛容注蔡邕獨斷曰百官小

吏曰——又何敞傳時京師及四方累有奇異鳥獸
草木言事者以為祥瑞敞通經傳能為——意甚惡之

吳志劉惔傳遭亂避地客游廬陵事孫輔以明——
達占數顯於南土每有水旱寇賊皆先時處期無不中

者——晉書王導傳今者臨郡不問賢愚豪賤皆加重號
輒有鼓蓋動見相準時有不得者或為恥辱——混雜

朝望類毀導忝荷重任不能崇浚山海而開導亂源饕
竊名位取泰羹典謹送鼓蓋加崇之物請從導始庶令

雅俗區別羣望無惑——齊書孔稚珪傳仰述——伏奏
雲陛——周書文帝紀今聖主中興思去澆偽諸在朝之

士當念職事之艱難負闕之招累才堪者則審已而當
之不堪者則收短而避之使——不妄加王爵不虛受

則淳素之風庶幾可反——又武帝紀以冢宰晉國公護
為都督中外諸軍事令五府總於——唐書伊慎傳

通春秋戰國策——五行書 宋史苗訓傳淳化二年
守信上言正月一日為一歲之首每月八日天帝下巡

人世察善惡太歲日為歲星之精人君之象三元日上
元——中元地官下水官各主錄人之善惡又春戊

寅夏甲午秋戊申冬甲子為天赦日及上慶誕日皆不
可以斷極刑 晉陽秋吳有葛衡字思直明達——能

於機巧作混 天使地居中以機動之若天轉而地正以
上應晷度 神仙傳葛稚川云洪以為老子若是天之

精神當無世不出俯尊就卑委逸就勞背清澄而入臭
濁棄——而受人爵也 黃庭內景經存微五方不饑

渴注役御——煥明歲星 雲笈七籤守神者能煉骨
肉形為真人屬——當飛上天此謂中自然也 梁簡

文帝大法頌序運——之法駕啟天路之威神 庾信
賀新樂表律歷著微無煩於太史陰陽晷度躬定於——

——又齊王憲神道碑——以邦國為基是司六典夏
官以兵戈為主專謀七德 又趙國公集序文叅歷象

即入——之書韻涉絲桐咸歸總章之觀張衡天象
賦緯——之繁縟立疏廟之隆崇張淵觀象賦觀夫

魏郡苗太守詩——蒼生望出入承明廬王維送趙
都督赴代州詩——動將星漢上柳條青岑參送嚴

旆擢第歸蜀詩十月——待應須早赴秦李商隱偶

成轉韻贈四同舍詩——補
吏府中趨玉骨瘦來無一把

天宰唐書趙彥昭傳金城公主嫁吐蕃始以紀處訥為
使處訥辭乃授彥昭顧已處外恐權寵奪移不悅

司農卿趙履溫曰公——而為一介使不亦鄙乎彥昭
問計安出履溫乃為請安樂公主留之又李吉甫傳

贊吉甫踐——謀謨是
矣而鯁正有愧於父云

天曹齊書顧歡傳今道家稱長生不死名補——大平
老莊立言本理神仙傳蔡經父母私問經曰王

君是何神人復居何處經曰常在崑崙山往來羅浮括
蒼等山山上皆有宮室主事一日之中與天上相

反覆者十數過雲笈七籤真人王法主是少
室仙伯拾錄人鬼之任闕奏無不即應

天卿儲光義奉和韋判官獻侍郎叔除河東
探訪使詩小冢牢道大名亦大

天牧書呂刑四方司正典獄非爾惟作傳主政典
獄謂諸侯也非汝惟為民乎言任重是汝

天部江淹為蕭驃騎謝甲仗入殿表官騎
辰居羽林一瞰城龍塞言伏鬼方

天武宋史兵志太平興國二年詔改簇御馬直曰簇御
龍直鐵騎曰日騎龍捷曰龍衛控鶴曰虎捷

曰神衛骨錄子直曰御龍骨錄子直寬衣控
鶴曰寬衣雄威曰雄勇龍騎曰雄猛

天吏書一逸德烈于猛火孟子無敵于天下者一
又沈同問燕可伐與吾應之曰可彼然而

伐之也彼如曰孰可以伐之則將應之曰為一則可
以伐之宋史樂志鴻範合彞倫調元四序均歲功一

一正御苑物華新淮南子四時者一之也柳宗
元論語辯孔子者覆生人之器也上之堯舜之不遭而

禪不及已下之無湯之勢而已
不得為一一生人無以澤其德

天士漢書郊祀志上方憂河決而黃金不就廼拜大為
五利將軍居月餘得四印得一將軍地士將軍

大通將
軍印

天民禮記王制少而無父者謂之孤老而無子者謂之
獨老而無妻者謂之矜老而無夫者謂之寡此四

者一一之窮而無告者也皆有常餽孟子子一一之
先覺者也子將以斯道覺斯民也又有者達可

行于天下而後行之者也魏志齊王芳紀詔曰屬到
市觀見所斥賣官奴婢年皆七十或瘡疾殘病所謂一

一之窮者也且官以其力竭而復鬻之進退無謂其悉
遣為良民若有不能自存者郡縣賑給之齊書鬱林

王紀深樹國本克阜一一法言或問無為曰奚為哉
在昔虞夏襲堯之爵行堯之道法度彰禮樂著垂拱而
視一一之阜也無為矣又淮南子凡海外三十六國
自西北至西南方有修服民一一肅慎民白民沃民女
子民丈夫民奇肱民一臂民三身民又清異錄安成
紀郭一一巧思橫生能摺書簡反覆如柏葉狀鄉人謂
之仙人
柏葉書

天氓韓愈羅池廟碑柳侯為州不鄙夷其民民各自矜
奮茲土雖遠京師吾等亦一一今天幸惠仁侯若

不服化我
則非人

天使

史記趙世家知伯率韓魏攻趙趙襄子懼乃奔保
晉陽原過從後至於王澤見三人自帶以上可見

自帶以下不可見與原過竹二節莫通曰為我以是遺
趙母卹原過既至以告襄子襄子齊三日親自剖竹有
朱書曰趙母卹余霍泰山陽侯也三月丙戌余
將使女反滅知氏後漢書郎顗傳熒惑者至陽之精
也一之也注天文要集曰天有五帝五星為之使
蜀志糜竺傳注搜神記曰竺嘗從洛歸未達家數十里
路傍見一婦人從竺求寄載行可數里婦謝去謂竺曰
我一一也當往燒東海糜竺家感君見載故以相語竺
因私請之婦曰不可得不燒如此君可馳去我當緩行
日中火當發竺乃還家遽出財物日中而火大發晉
書天文志流星一一也元史丘處機傳歲己卯太祖
自乃蠻命近臣札八兒劉仲祿持詔求之處機一日忽
語其徒曰使促裝曰一一來召我我當往翌日二人者
至淮南子曰日月者一一也明一統志一一館在
安南國沈佺期和洛州康士曹庭之望月有懷詩一
一下西樓光含萬象秋孫逖送新十五侍御使蜀詩

十一出霜臺行人擇吏才又上聲晉書戴洋傳洋年
十二過病死五日而蘇說死時一其為酒藏吏受符
籙給吏從幡麾將上蓬萊崑崙積石太室恒廬衡等諸
山既而遣歸李益雜曲託身一然同生復同死
天將宋書天文志升平三年七月戊子月犯牽牛中央
大星占曰牽牛一也犯中央星大將軍死王
維燕支行詩漢家一才且雄來時謁帝明光宮岑
參獻封大夫破播仙凱歌大夫鵲印搖邊月一龍旗
掣海雲

天兵

漢書揚雄傳長楊賦夫一四臨幽都先加回戈
邪指南越相夷靡節西征羌變東馳宋書王僧

達傳間者一一未獲已肆其輕漢之心恐戎狄貪憚猶
懷匪遜又唐書兵志見天安下宋史兵志昨睦寇

初發一一未到已前遣令上項將兵捕賊遂致敗亡
失軍兵甚多魏收為侯景叛移梁朝文一一之鼓未

鳴衆軍之旗詎接 柳宗元賀誅淄青逆賊李師道狀

一四合賊衆屢摧 又沛國韓原廟銘淮陰整齊一

一導揚靈威覆趙夷魏拔齊殄楚 杜甫後苦寒行一

一斬斷青海戎殺氣南行動地軸 李益塞下曲古來

征戰虜不盡今日還復一 來戴叔倫送崔融詩王

者應無敵一 動遠征 劉禹錫酬太原狄尚書見寄

詩仍把一 書號筆遠題長句寄山川 盧仝月蝕詩

天惟兩眼失一眼將軍何處行一 王彥威宣武軍

鎮詩一 十萬勇如貌正是酬恩報國時 溫庭筠選

水謠一 九月渡遐水馬踏沙鳴驚鴈起 張損邊情

詩窮荒始得靜天驕

又說一 擬渡遼

天旅 沈珣授李玘鳳翔節度使

制擢處月卿掌我一

天驕 漢書匈奴傳南有大漠北有强胡胡者一之 子

曹組民歡賦北則常山以限一 大河朔漠

仰其名 亮 杜甫諸將詩 韓公本意築三城 擬絕 1 1
拔漢旌 王維出塞詩 居延城外獵 1 1 白草連山野

火燒 王涯塞上曲 1 1 遠塞行 出鞘寶刀鳴

蘇軾 劉醜 廝詩 筆硯耕學苑 戈矛戰 1 1

天鄙

禮記王制東方曰夷 疏風俗通云東方人好生萬
物 舐觸地而出夷者舐也 其類有九 依東夷傳九

種 一曰元菟 二曰樂浪 三曰高驪 四曰滿飾 五曰
鳧夷 六曰索家 七曰東屠 八曰倭人 九曰 1 1

天鑒

劉楨諫平原侯植書 明使君始垂哀憐意 春日崇
譬之疾病 乃使炎農分樂岐伯下鍼疾 雖未除就

沒無恨 何者以其 1 1
至神而榮魄自盡也

天匠

歐陽修 依韻和聖俞見寄詩 1 1 染青紅花 膏呈
裴娜 蘇軾游白水山佛跡巖詩 方其欲合時 1

1 麾月斧 張羽峴山詩
十手可對飲 斧鑿自 1 1

天師

晉書郗超傳惜事——道而超奉佛元史世祖紀建漢祖——正一祠於京城又河渠志五月

五日平章禿滿迭兒茶乃史叅政等奏江浙省四月內潮水衝破鹽官州海岸令庸田司官徵夫修堵又令僧人誦經復差人令——致祭臣等集議世祖時海岸常崩遣使命——祈祀潮即退今可令直省舍人伯顏奉御香令——依前例祈祀制曰可又張宗演傳正一——者始自漢張道陵其後四代曰盛來居廣信之龍虎山相傳至三十六代宗演當至元十三年世祖已平江南遣使召之至命廷臣郊勞待以客禮莊子黃帝將見大隗乎具茨之山適遇牧馬童子問塗焉曰若知具茨之山乎曰然若知大隗之所存乎曰然黃帝曰異哉小童非徒知具茨之山又知大隗之所存請問為天下小童曰夫為天下者亦奚以異乎牧馬者哉亦去其害馬者而已矣黃帝再拜稽首稱——而退蜀檮杌衍受道籙於苑中以杜光廷為傳真——崇真館大學

士雲笈七籤老君降真於——仙公接文於天台
明一統志——泉在夔州府雲陽縣西二里方干夜
聽步虛詩寂寂永宮裏——朝禮聲又陳琳檄吳將
校部由文今者枳棘剪扞戎夏以清萬里肅齊六師無
事故大舉——百萬之衆
霆奮席卷自壽春而南

天神

詩是生后稷降之百福箋姜嫄用是而生子后稷
——多與之福以五穀終履蓋天下使民知稼穡

之道

周禮凡以神仕者以冬日至致——人鬼以夏

日至

致地示物鬼以禋國之凶荒民之札喪又大司

樂凡樂圜鐘為宮黃鐘為角大簇為徵姑洗為羽鼙鼓

鼙鼓孤竹之管雲和之琴瑟雲門之舞冬至日於地上

之圜丘奏之若樂六變則——皆降可得而禮矣左

傳司慎司盟注二司——周語度之——則非祥也

比之地物則非義也史記殷本紀帝武乙無道為偶

人謂之——與博令人為行——不勝乃僂辱之又

武帝紀毫人薄誘忌奏祠泰一方曰一貴者泰一
又司馬相如傳修禮地祇謁款一後漢書杜林傳
初為郡吏王莽敗盜賊起林與弟成及同郡范逡孟冀
等將細弱俱入河西道逢賊數千人拔刀向林等將欲
殺之冀仰曰願一言而死將軍知一乎將軍以數千
之衆欲規霸王之事不行仁恩而反遵覆車不畏天乎
賊送釋之俱免於難魏志明帝紀初青龍三年中壽
春農民妻自言為一所下當營衛帝室蠲邪納福飲
人以此水及以洗瘡或多愈者於是立館後宮下詔稱揚
甚見優寵及帝疾飲水無驗於是殺焉晉書禮志詔
書明堂及南郊除五帝之位惟記一新禮奉而用之
宋書樂志服爾神藥無不歡喜陛下長生老壽四面
肅肅稽首一擁護左右陛下長與天相保守又樂
志大司樂職奏黃鐘歌大呂舞雲門以祀一鄭注一
一五帝及日月星辰也齊書扶南國傳那伽仙詣京
師言其國俗事摩醯首羅一一天神常降於摩訶山

唐書吐蕃傳別將尚恐熱為落門川討擊使略地至渭
州與宰相尚與思羅戰薄寒山思羅敗走松州合蘇毗
吐渾羊同兵八萬保洮河自守恐熱謂蘇毗等曰宰相
兄弟殺贊普——使我舉義兵誅不道爾屬乃助逆背
國耶蘇毗等疑而不戰宋史禮志唐因隋制設為三
壇——列位不出內壇而御位特設於壇下之東南
家語上帝之牛角璽粟必在滌三月后稷之牛唯具所
以別事——與人鬼也法言——天明照知四方天
精天粹萬物作類人心具神矣乎中說薛收曰敢問
——人鬼何謂也周公其達乎子曰大哉周公遠則冥
諸心也心者非他也窮理者也故悉本於天推神於天
蓋尊而遠之也故以祀禮接焉近則求諸已也已者非
他也盡性者也卒歸之人推鬼於人蓋引而敬之也故
以饗禮接焉古者觀盥而不薦思過半矣西京雜記
宣帝被收繫郡邸獄臂上猶帶史良娣合采婉轉絲繩
繫身毒國寶鏡一枚大如八銖錢蓋傳此鏡見妖魅得

佩之者為——所福故宣帝從危獲濟及即大位每持
此鏡感咽移辰 水經渭水又東過華陰縣北注縣有
華山韓子曰秦昭王令工施鉤梯上華山以節柏之心
為博箭長八尺棋長八寸而勒之曰昭王常與——博
于是 四十二章經——獻玉女子佛欲壞佛意佛言
革囊衆穢爾來何為去吾不用 孝子傳北平陽公輦
水作漿以給過者無補履襁不取其直——化為書生
問云何不種菜曰無菜種即與數升公種之化為白壁
餘皆為錢公得以娶婦 圖繪寶鑑朱玉善畫——雷
部兵將 雲笈七籤何謂五道一道者神上天為——
阮籍樂論昔者聖人之作樂也奏之園山而——下
奏之方岳而地祇上天地合其德則萬物合其生刑賞
不用而民自安矣 東晉風伯雨師不得避諱議元康
七年詔書禰咸寧元年詔下尊諱風伯雨師皆為詆訓
又公官文書吏人上事稱引經書者復多迴避使大義
不明諸經傳咸言——星宿帝王稱號皆不得變易本

文但省事言語臨時訓避而已

顏延之又釋何衡陽

書是以雲和六變實降

龍門

九成宮人鬼咸格

薛

道衡隋高祖頌舞六代而降

陳四圭而饗上

帝韓愈原道郊焉而格廟焉而人鬼饗

天尊

宋書樂志穆穆降禮動容周書宣帝紀大

道會苑大醮以高祖武皇帝配醮訖論議於行殿是歲

初復佛像及像至是帝與二像俱南面而坐大陳

雜戲令京城士民縱觀宋史禮志帝於大中祥符五

年十月語輔臣曰朕夢先降神人傳玉皇之命云先令

汝祖趙某授汝天書令再見汝翼日復夢神人傳

言吾坐西斜設六位以候又楊礪傳世宗入朝礪處

僧舍夢古衣冠者曰汝能從乎礪隨往覩宮衛若非人

間殿上王者秉圭南向總三十餘礪升謁之最上者前

有按置簿錄人姓名礪見已名居首因請示休咎王者

曰我非汝師指一人曰此來和異日汝主也當問

之其人笑曰此去四十年汝功成予名亦顯礪再拜寤而志之礪初名勵以籍作礪遂改之至是受命謁見藩府歸謂子曰吾今見襄王儀貌即所夢來和也元史世祖紀勅江南毀諸道觀聖祖祠武帝內傳阿母迂之重下降於蟪蛄之窟審虛之靈而詣孤鳥之俎雲笈七籤三代者過去元始見在太上玉皇未來金闕玉晨明一統志觀在徽州府黟縣治北徐陵雙林寺傳大士碑銘敬禮珍塔歸依靈像未若躬臨方丈慧炬常照慈燈斯朗又易繫辭地卑乾坤定矣禮記樂記地卑君臣定矣宋書樂志凡上帝之言無非天也一不可以一稱故或謂昊天或謂上帝或謂昊天上帝不得以天有數稱便謂上帝非天莊子地卑神明之位也

天仙

宋史藝文志一八卦真妙訣一卷武帝內傳王母乘紫雲之輦駕九色斑龍別有五十側

近鸞輿皆長丈餘同執綵旌之節佩金剛靈璽戴天真之冠咸住殿下金丹曲肱詩做到一一地位時三遭

天譴落天堦雲笈七籤其九仙者第一上仙二高仙

三大仙四元仙五一一六真仙七神仙八靈仙九玉仙

梁元帝梁安寺刹下銘擬慈靈覺時惟一一徐陵雙林寺傅大士碑銘梵釋一一晨昏來往又玉臺新

詠序寵聞長樂陳后知而不平畫出一一閼氏覽而遙

妬沈佺期同工部李侍郎適訪司馬子微詩紫微降

一一丹地投雲藻高適王真公主歌仙宮仙府有真

仙天寶一一秘莫傳薛能孔雀詩一一黼黻毛應是

宮后屏幃尾忽開又益部方物記一一果樹高八九

尺無花其葉似荔枝而小子如櫻桃累累綴枝間六七

月熟味至甘又燉煌新錄虜蘇割刺在答魯之右大

澤中高百尋然無草木石皆赭色山產椒椒大如彈丸

燃之香徹數十里每燃板則有鳥自雲際蹁躚五色名

赭爾鳥蓋鳳凰種也時漢武帝遣將軍趙破奴逐匈奴

得其椒不能解以問東方朔朔曰此一椒也塞外千
里有之能致鳳武帝植之太液池至元帝時椒生果有
異鳥翔集又明一統志一一湖在嘉興府海鹽縣西
九里與貢橫諸湖相通又一一池在饒州府樂平縣
東北一一觀前相傳唐貞元中月夜有
二羽衣對語橋上久之各駕鶴上昇

天真

武帝內傳見天仙下雲笈七籤夫人得還生於
人道濯形太陽驚天駭地貴亦難勝一一地神三

界齊臨亦不輕也又令傳靈寶經者則是一一皇人

於峨嵋山授於軒轅黃帝又一一皇人授帝譽於牧德

之臺又一一之言理奧難尋或名同而事異或理合

而字乖靈秘相隱不與世合明一統志一一觀在懷

慶府城內西南又一一萬壽宮在平陽襄陵縣治西

南又魏志胡昭傳弘農太守何植等遞薦昭曰一一

高潔老而彌篤元虛靜素有夷皓之節宜蒙徵命以厲

風俗晉書庾闡傳高明倬茂獨發奇秀道率一一不

議世疾 齊書豫章王嶷傳丞相冲粹表於——淵照

殆乎機象經邦緯民之範體國成務之規故以業茂惟

賢功高則哲 席夔冬日可愛賦照臨遵夫和氣偃曝

得夫——杜甫寄李十二白詩劇談憐野逸嗜酒見

——又促織詩悲絲與急管感激異——戴叔倫

暮春感懷詩四十無閒嬾慢身放情丘壑任——獨

孤綬投珠於泉詩——來照乘成性却沈泉 杜牧貽

友人詩儻無遷谷分歸去養——杜荀鶴晚春寄同

年張曙先輩詩莫將時態破——祇合高歌醉過春

陸游家釀頗勁戲作詩試問浩歌遺世事何如酣枕養

——

——

天靈

宋書樂志董永遭家貧父老財無遺舉假以供養
傭作致甘肥貴家填門至不知何用歸——感至

德神女為東機 又元史巴而朮阿而或的斥傳唐以

金蓮公主妻的斥之子葛勵的斥居和林別力跋力答

言婦所居山也又有山曰天哥里于答哈言一一山也
南有石山曰胡力答哈言福山也唐使與相地者至其
國曰和林之盛彊以有此山也盡壞其山以弱其國乃
告諸的斥曰福山之石於上國無所用而唐人願見的
斥遂與之石大不能動唐人以烈火焚之沃以
醞醋其石碎乃輦而去國中鳥獸為之悲號

天虞

山海經大荒荒中名曰日月山
天樞也有人反臂名曰一一

天愚

山海經堵山神一一
居之是多怪風雨

天魔

宋書天竺迦毗黎國傳山海遐隔無由朝覲宗仰
之至遣使下承使主父名一一卷達使主名尼陀

達此人由來良善忠信是故今遣奉使表誠元史順
帝紀以宮女三聖奴妙樂奴文殊奴一十六人按舞名
為十六一一首垂髮數數辦戴象牙佛冠身被纓絡大紅
絹金長裙金雜襖雲肩合袖天衣綬帶鞋襪各執加

巴刺般之器內一人執鈴杵奏樂
法苑珠林習近五
塵流轉三界黏外道之稿貫——之杖
雲笈七籤微

旨幽邃妙趣難詳皆署——隱諱或標百神內名
陸

游新春感事詩烏藤即是碧油幢百萬——指顧降
陸

又宴坐詩鼓樂弦歌萬二千——剩欲破幽禪
張昱

輦下曲舞罷——供奉曲君王常在月宮聽
楊維禎

王左轄席上夜宴詩南國遺

音誇北士西蠻小隊舞——

天妖

晉書考武帝紀贊倡臨帝席酒勸——金風不競
人事先彫
又劉琨等傳贊——是徵國耻奚雪

呂覽晉太史屠黍見晉之亂也見晉公之驕而無德

義也以其圖法歸周周威公見而問焉曰天下之國孰

先亡對曰晉先亡威公問其故對曰臣比在晉也不敢

直言示晉公以——日月星辰之行多以不當曰是何

能為又示以人事多不義百姓皆鬱怨曰是何能傷又

示以鄰國不服賢良不舉曰是何能害如是是不知所

以亡也故臣曰晉先亡也
說苑勿謂莫聞——伺人

天賊

後漢書王符傳古者惟始受命之君承大亂之極
寇賊姦宄難為法禁故不得不有一赦與之更新

頤育萬物以成大化非以
養姦活罪放縱——也

天吳

山海經朝陽之谷有神曰——是為水伯其為獸
也人面八首八足八尾皆青黃又蓋余之國有

神人虎身十尾名曰——柳宗元招海賈文奔螭出
抃兮翔鵬振舞——九首兮更笑迭怒垂涎悶古兮揮

霍旁午王十朋民事堂賦——怒而江濤沸溢兮漂
廬舍而壞隄防夏侯嘉正洞庭賦其餘海若——陽

侯神胥齟齬而遊魯不我傷沈佺期夜泊越州逢北
使詩颺颺縈海若霹靂耿——杜甫北征詩——及

紫鳳顛倒在短褐高適和賀蘭判官詩風行越裳貢
水過——災儲光羲秋日遊昆明池思古詩江伯方

翺翔———亟往來 韋應物漢武帝雜歌鼓輦餘響數
日在———深入魚驚驚 劉禹錫武陵觀火詩吹焚照

水府炙浪愁———元稹春分投簡陽明洞天詩地侯

鞭社伯海若跨———鮑溶採珠行河伯空憂水府貧

———不敢相驚動 陸游醉歌何似即今雲海上千鈞

强弩射———法振送褚先生海上尋封鍊師詩潮落

風初定———

———避客舟

天丁

雲笈七籤虎符朱書白素盛以紫錦囊佩之頭上
以行玉華執巾———衛軀山嶽稽精加勅威神之

祝玉清之章便得斬馘九魔千妖滅形矣 金
丹曲肱詩當時不合擡頭看忽見———叱火鈴

天軼

娜嫫記膏神曰鴈
孃黛神曰———

天侯

雲笈七籤第九神仙常思心中有華蓋
下有人赤幘大冠絳章單衣名曰———

天齊

史記封禪書始皇東遊海上行禮祠名山大川及八神求仙人羨門之屬八神將自古而有之或曰

太公以來作之齊所以為齊以也其紀絕莫知起時八神一曰天主祠一曰天齊淵水居臨菑南鄉山下

者解道彪齊記臨淄城南有一泉五泉並出有異

於常水經注淄水又東逕臨淄縣故城南東得一

水口水出南郊山下謂之一淵五泉並出水在齊

八祠中齊之為名起於此矣明一統志一淵在青

州府臨淄縣東十五里平地出泉廣可半畝土人名曰

龍池庾信紀千弘神道碑銘一水合日觀山連兵

強東楚地遠西燕薛道衡老氏碑一河圖括地象武

食鯨吞銅陵玉壘之區狼顧鵠峙又河圖括地象武

關山為地門上為一又書一于民疏一整一于

下民者欲使順道依理以性命自終也又宋史樂志

君王愉樂醵氣溢瑤

卮壽一一長擁神基

天宦

靈樞黃帝曰士人有傷於陰陰氣絕而不起陰不用然其鬚不去其故何也宦者獨去何也願聞其

故岐伯曰宦者去其宗筋傷其衝脉血寫不復皮膚肉結脣口不榮故鬚不生黃帝曰其有——者未嘗被傷不脫於血然其鬚不生其故何也岐伯曰此天之所以不足也其任衝不盛宗筋不成有氣無血脣口不榮故鬚不生

天隱

文中子聖人——其次地隱其次名隱又或問嚴光樊英名隱子曰古之避言人也問東方朔子

曰人隱者也子曰自太伯虞仲以來天下鮮避地者也仲長子光——者也無往而不適矣陸龜蒙南陽廣

文欲於荆襄卜居襲美有贈代之酬次韻不知——在何鄉且欲煙霞跡暫雙又文獻通考——子一卷唐司馬子微為之序——子不知何許人著書八篇又唐書韋夏卿傳夏卿性通簡好古有遠韻談說多聞晚

歲將罷歸署其

居曰一一洞

天逸

後漢書孔融傳贊北海一一音情頗挫越俗易驚
孤音少和陸機晉平西將軍孝侯周處碑英情

一一速性霞騫法苑珠林
習鑿齒鋒辯一一籠罩當時

天秀

宋書始平王子鸞傳中雲枝之一一寓坎泉之曾
岑齊書鬱林王紀中軍將軍新安王體自文皇

睿哲一一宜人嗣
鴻業永寧四海

天哲

班固典引圖書亮章一一也注言河圖洛
書至信至明而出天賜之使視而行之

天鄰

姚鵠塞外寄張侍御詩却思陪宴處迴望與一一
王令再寄滿子權詩嘗聞太山高處一一為一一

天類

埤雅龍
一一也

天戲

茅元儀度碧霞關寄吳令公
詩石奇一偶一上絳日常明

天獸

黃庭內景經攝魂還魄永無傾注素氣
九回制魄邪姦一守門嬌女執關

天麟

南史徐陵傳陵年數歲釋實誌摩其頂曰一上石
麟一也陸游示元用詩老子已應如樞驥此郎

端恐是

天虎

國史補虎四指者一
也五指者人虎也

天犀

溫庭筠醉歌一壓斷朱
饒鼠瑞錦驚飛金鳳皇

天牛

爾雅環蠹桑注似一長角體有白點喜齧桑樹
作孔入其中江東呼為齧髮又南越記一一魚

方員三丈眼大如斗口在脇下露齒無
屑兩肉角如臂兩翼長六尺尾五尺

天驪

梁元帝謝馬啟武愧仲都遂蒙
一之錫儒謝春卿空頌名馬之賚

天駒

大戴禮於時龍至不閉鳳降忘翼驚獸忘攫爪鳥
忘距蜂蠶不螫嬰兒蠶蚩不食一一雉出服河出

圖

天驥

晉書庾闡傳莫邪挺錡一一汗血又張協傳七
命一一之駿逸態超越稟氣靈川受精皎月劉

夢龍金馬門賦緊漢武之御極挺英睿之聖安慕龍弱
之超逸想一一之權奇王仲言慈寧殿賦華蓋效杠

一一駢駢元稹三歎詩一一失龍偶三年常夜嘶
羅虬比紅兒詩莫言一匹追風馬一一牽來也不看

天鹿

宋書符瑞志一一者純靈之獸也五色光耀洞明
王者道備則至十洲記聚窟洲在西海中申未

之地有獅子辟邪鑿齒一一長牙銅頭鐵額之獸
信春賦艷錦安一一新綾織鳳凰卞蘭許昌宮賦一
庚

一軒翫以揚怒師
于鬱拂而負楨

天狐 元中記狐千歲即與天通為一一六帖
一一九尾金色役於日月宮洞達陰陽

天犬 山海經金門之山有赤犬
名曰一一其所下者有兵

天鼠 唐書吐蕃傳其獸犛牛名馬犬羊鼠一一之皮可
為裘 廣志一一以皮為裘今名其裘為天鹿裘

王義之十七帖一一膏治耳
聾有驗不有驗者乃是要藥

天鳥 儲光義述降聖觀詩道
花飛羽衛一一遊雲空

天禽 唐會要黃帝九宮經天符星為一一雲笈七籤
一一羅陣皆在我傍 庾肩吾春夜應令詩一一

下北閣織
女入西樓

天翰

易林晨風
一 大舉就溫

天鷁

爾雅鷁一注大如鷁
好高飛作聲今江東名之曰天鷁

天鷁

爾雅注
見上

天鳥

何宗彥東宮儲學賦
一 既至倉庚載鳴

天鴈

晉書天文志流星有光青亦長二
三丈名曰一軍中之精華也

天鵝

元史世祖紀敕江淮勿捕一弛魚鰲禁
錄昔寶赤鷹房之執役者每歲以所養海青獲頭

鵝者賞黃金一錠頭鵝一也以首得之又重過三十
餘斤且以進御膳故曰頭明一統志和州土產一

李商隱鏡檻詩撥弦驚火鳳交扇拂一
家口詩蕩底一一離槽聲南鄉今有幾長亭
馬祖常

和繼學郎中送友歸越中詩雀舫
春深留水鷺鵲袍秋影動——

天鯨

韓愈孟郊城南聯句窺
奇摘海異恣韻激——

天黿

周語星在——注星辰星也——次名從須女八
度至危十五度為——謂周正月辛卯朔二日壬

辰辰星始見三日癸巳武王發行二十八日戊午度孟
津距戊子三十一日二十九日巳未晦冬至辰星在須

女伏——之首

漢書律厯志冬至辰星與婺女伏歷

建星及牽牛至於婺女——之首故傳曰星在——

宋史禮志景德三年五月旱又以畫龍祈雨法付有司
刊行其法擇潭洞及湫澤林木深邃之所以庚辛壬癸

日刺史守令帥耆老齋潔先以酒脯告社令訖築方壇
壇外二十步界以白繩壇上植竹枝張畫龍其圖以鱗

素上畫黑魚左顧環以——十星中為白龍吐雲黑色
下畫水波有龜左顧吐黑氣如綫和金銀朱丹飾龍形

又設阜幡列鵝頸血置槃中楊枝灑水龍
上俟雨足三日祭以一緞取畫龍投水中

天蓬

漢書天文志杓端有兩星一內為矛招搖一外
為盾一一注外遠北斗也在招搖南一名一一

天螻

爾雅螻一一注螻蛄也 大戴禮螻則鳴螻一一
也 古今注螻蛄一名一一一名螻 黃庭堅演

雅詩一一伏隙錄人
語射工含沙須影過

天榆

古樂府一一上何所
有歷歷種白一一

天桂

鄒選金馬門賦碎秋菊
而有聲屑一一而無香

天棘

豐道生真賞齋賦荼蘼瑞香水仙一一
上人茅齋詩江蓮搖白羽一一蔓青絲

杜甫已
李存和

吳宗師灤京詩露透地椒
清寶仗風生一一滿旂旂

天筠

儲光羲敬酬陳掾親家翁秋夜有贈詩言則廣台階道亦資——

天華

法苑珠林十千天子於空遊行於王國內皆雨——復至池澤復雨——睦州古蹟記懸鐘寶蓋

類雲氣結而——雨者一在鐘鼓南——梁簡文帝大法頌序地芝候月——逆風——梁元帝答廣信侯書法水

晨流——夜落——又謝勅送齊王瑞像還啟高明可仰與——而俱落清梵騰空雜項麓以相韻——江淹為蕭

上銅鐘芝草眾瑞表宣城所統臨城縣山中獲草一株交柯攢莖紫蓋黃裏貞潤暉暉自然——採輟歷時質

色不變——王褒京師突厥寺碑香隨微雨自灑風塵幡雜——常調絲竹——徐陵麈尾銘既落——亦通神語

蒲道源雪軒賦——散墮彌望如一——唐太宗謁并州大興國寺詩寶刹遙承露——近足春——蕭至忠九

月九日登慈恩寺浮圖應制詩御酒調甘露——拂綵旒房融謫南海過始興廣勝寺果上人房詩隔嶺——

欽定四庫全書

卷四

一發凌空月殿新
茶母潛題棲霞寺詩
一飛不著
水月白成路
李商隱酬崔八早梅有贈詩
維摩一室

雖多病亦要
一作道場
王穀玉樹曲
一數朵風
吹綻對舞輕盈瑞香散
慧淨雜言七寶仙臺亡舊迹

四彩
一雜雨聲
陸游雪歌初聞萬竅號地籟已見

六出飛
一又雪意詩不須遽覓華胥路更竢
一

落坐中
蘇軾次韻潛師放魚詩法師說法臨泗水無

數
一隨塵尾
李俊民雪後送寶泉之碧落詩酒面

輕風不作寒
一散落滿人間
又湖山勝槩
一寺

鏡清禪師道場舊名千春龍冊有頤軒妙因樓化生池

又明一統志太

原府土產
一

天草

觀佛三昧海經佛告父王云何名苦行時白毫毛
相如我踰出宮城已去伽耶城不遠詣阿輸陀樹

吉安天子等百千天子皆作是念菩薩若於此坐必須
坐具我今應當獻於
一即把
一清淨柔軟名曰吉

祥菩薩受已
鋪地而坐

天雄

淮南子物莫無所不用——鳥喙藥之凶毒也良醫以活人侏儒瞽師人之困憊者也人主以備樂

博物志

烏頭——附于一物春秋冬夏採各異也

明一統志龍安府土產——又宋史地理志以大名

府為——

一軍

天嬰

山海經金星之山多——其狀如龍骨可以已瘞

天葵

羣芳譜——雷公所謂紫背——也葉如錢而厚嫩背微紫生崖石凡丹石之類得此始神

天蓼

本草蓼實一名——

天蘭

梁簡文帝大同哀辭驗——之所受知地井之可映

天麥

異苑涼州張駿九年天雨五穀於武威燉煌植之
悉生因名——宋漁——毒行且云餅中——

毒陰氣不

決為人尤

天豆

隋書禮儀志亦雀蒼烏野蠶——嘉禾合穗珍木
連理神瑞休徵不可具紀博雅——雲實也

侯寧極藥譜破

故紙亦名——

天瓜

爾雅果羸之實栝樓注今齊人呼之為——急
就篇芎藭厚朴桂栝樓注栝樓一名果羸一名王

瓜亦曰

——

天寶

素問得其人不教是謂失道傳非其人慢泄——
王勃滕王閣序物華——龍光射牛斗之墟人

傑地靈徐孺下陳蕃之榻樊珣春雷賦慶集——祥

開地珍又宋書鄧琬傳矯害明茂篡竊——又漢

書揚雄傳羽獵賦追——出一方注——陳寶也——
雞頭人身李白大獵賦獲——於陳倉載飛熊於渭

濱又元史釋老傳真大道教者始自金季道士劉德

仁之所立也五傳而至酈希誠居燕城——宮見知憲

宗明一統志——觀在西山最勝處乃第十二洞天

也又豫章古今記逍遙山在高安——鄉其山高峻

又明一統志——山在朝鮮國朝鮮山有舍利又

——洞在南昌府城西八十里洞門有石泉狀如水簾

宋嘗遣使投金龍王簡於此又——石在福州府夷

堅志福清縣石竺山乾道三年居民夜半聞山上有聲

如震雷明日山頂有大石方幾丈飛落半腰間縣士李

槐云山下舊有碑曰——石移狀元來期龍爪花紅狀

元西東邑境有石陂曰——是歲永福人蕭國梁魁天

下永福在福清西又三年興化鄭僑繼之正在福清之

東又雲笈七籤修學之人始入仙階登無累境故初

教名洞神神寶其次智漸精勝既進中境故中教名洞

元靈寶既登上境智用無滯故上教名洞真——也
又其三元者第一混洞太無元第二赤混太無元第三
冥寂元通元從混洞太無元化生——君從赤混太無
元化生靈寶君從冥寂元通元化生神寶君——君治
在玉清境靈寶君治在上清境神寶君治在太清境
高適玉真公主歌見天仙下又唐書明皇紀——元
年大赦改元羣臣上尊號曰開元——聖文神武皇帝
又地理志唐之盛時開元——之際東至安東西至
安西南至日南北至單于府蓋南北如漢之盛東不及
而西過之王維曲江應制詩從今億萬歲——紀春
秋韋應物送雲陽鄒儒立少府侍奉還京師詩建中
即藩守——為侍臣王建贈閻少保詩問事愛知——
——裏識人皆是武皇前溫庭筠彈箏人詩——年中
事玉皇曾將新曲教寧王薛逢社日遊開元觀詩因
求——年中夢故事分明載折碑蘇軾韓幹牧馬圖
詩想見開元——年八方分屯隘秦川李俊民鳳林

詩——詩人去却回
果曾北關上書來

天珠

李白明堂賦挈金龍之蟠蛇挂——之辟硯數
術記遺刻板橫為三道——上刻為天中刻為地下刻

為人豎為算位有三珠青珠屬天黃珠屬地白珠屬人
又其三珠通行三道若——在天為九在地主六在人
主三具地球在天為八在地主五在人主
二人珠在天為七在地主四在人主一

天璆

揚維楨著草賦姣好嫫女惡
孟娜兮寶器康瓠擲——兮

天球

書顧命大玉夷玉——河圖在東序疏——雍州
所貢之玉色如天者宋史樂志受——膺駁命

玉帛走諸侯孔武仲慈孝寺山亭送子敦都運待制
赴河北詩簪裳合俊彦河圖並——揚萬里遊東坡

白鶴峰故居詩雲冠霞佩照宇宙金章玉句鳴——
范成大送趙通守請祠歸天台詩搶攘塵土薄書裏見

此縑藉——溫陸游讀書詩——及河圖千古所共
秘許有壬送馬明初教授南歸詩袖文驚蜀錦懷寶

重——鄭元祐贈譚臺史詩子能勗令

聞席珍重——又輟耕錄——古琴名

天琛木華海賦其垠則有——水怪
鮫人之室注——自然之寶也

天璽西京雜記元后在家常有白燕銜白石大如指墜
后績筐中后取之石自割為二其中心有文曰母天

地后乃合之遂復還合後為皇
后常并置璽笥中謂為——也

天璞王勃秋日餞別序——自然地靈無對孟郊弔
元魯山詩——本平一人巧生異同歐陽修讀

張李二先生文贈石先生詩先生二十年東魯能使
魯人皆好學其間張續與李常剖琢珉石得——

天冠史記日者傳——而有不審不見奪藉為人主計而
不審身無所處此相去遠矣猶——地屢也齊

書林邑國傳王服——如意珠——如佛冠身被香纓絡——法苑珠
林菩薩頂上有如意珠若見如意珠即見——此——

中有三十五像

中黃真經——

——拙響韻參差九文花

地

履錦星奇

容齋隨筆人之賢不肖相去何止——

——

地

屢

梁簡文帝湘宮寺碑銘洛陽白馬帝釋——

——

——

開基

紫陌峻極雲端

梁元帝荊州長沙寺阿育王像碑纔

——

——

度蓮河即處——

——

——

——

又

趙孟頫——

——

——

——

又

句付主院者越四年裝成巨冊索重書故爾走筆文

——

——

——

徵明跋——

——

——

——

——

名淨心者嘗與中峰老師往來故亦與文敏相識今觀

——

——

——

——

此二十四詩詞既雅麗得開元天寶體而字復圓勁出

——

——

——

——

入義獻誠為二絕而——

——

——

——

——

由是可與蘭亭赤壁並著矣

——

——

——

——

天冕

柳宗元界圍巖水簾詩忽如朝玉皇——

——

——

——

張耒至日詩未央曉賀瞻——

——

——

——

——

中

天帶

宋之問早入清遠峽詩兩
巖一作萬壑樹披衣

天紳

揚萬里雪巢賦陟彼懸崖——之涯奇峰日拂怪
松宵排韓愈送惠師詩是時雨初霽懸瀑垂——

非拖——韓駒入鳴水洞詩得
——常恐浮地脉

天綬

劉禹錫吐綬鳥詞越山有鳥
翔寥廓唳中——光若若

天衣

齊書武帝紀我識滅之後身上著夏衣畫——純
鳥犀藻應諸器悉不得用寶物及織成等——人輿

服志衮衣漢世出陳留襄邑所織宋末用繡及織成建
武中明帝以織成重乃采畫為之加飾金銀薄世亦謂

為——

——又指南車四周廂上施屋指南人衣裾襦——
——在廂中上四角皆施龍子竿縣雜色真孔雀毼烏布

阜複幔漆畫輪駕牛皆銅校飾 宋史樂志寒日短草
露朝晞仙鶴下夢雲歸大椿亭畔蒼蒼柳悵無由挽住

靈怪錄郭翰暑月臥庭中仰視空中有人冉冉

而下曰吾織女也徐視其衣並無縫翰問之謂曰

本非針線為也 大藏經菩薩放大光明普照三千大

千世界天龍八部滿虛空中作天伎樂雨妙香花瓔絡

一一不可勝數 法苑珠林帝釋於是以一接取叩

頭懺悔 中黃真經羽服綵霞何所得皆自五藏生雲

翼注中天羽經曰輕輕狀蟬翼燦燦光何極蟬為飲氣

秉露故生羽翼人服元氣而一一不礙於體即可知也

許老翁傳仙女一一有金縷單絲錦縠銀泥五暈羅

帟 集仙錄謝自然在靜室有仙人將一一來迎即乘

麒麟升天 圖畫見閭誌武宗元嘗於廣愛寺見吳生

畫文殊普賢大像因杜絕人事旬餘刻意臨做處成二

小幘骨法停分神冠氣格一一縷絡乘跨部從與大像

不差毫釐 寺塔記平康坊菩薩寺食堂東壁上吳道

元畫智度論色偈變偈是吳自題筆迹道勁如礫鬼神
毛髮次堵畫禮骨仙人一一飛揚滿壁風動徐陵天
台山徐則法師碑夫海水揚塵幾千年而可見一一拂
石幾萬歲而應平杜甫傷春詩烟塵昏御道耆舊把
一一孟雲卿放歌行地脉日夜流一一有時掃盧
綸皇帝感辭一一五鳳彩御馬六龍文白居易送劉
道士遊天台詩靈旂星月象一一龍鳳紋宋昱題石
窟寺詩瑞蓮生佛步瑤樹挂一一又明一統志一一
寺在紹興府法華山
梁惠舉禪師隱此

天服

宋書阿羅單國傳以正法寶梵行衆僧莊嚴國土
人民熾盛安隱快樂城閣高峻如乾他山衆多勇

士守護北城樓閣莊嚴道巷平正著種
種衣猶如一一於一切國為最殊勝吉

天袍

宋史樂志鳳簫鸞扇共徘徊帳殿倚雲開春風不
向一一動空繞翠輿回溫庭筠過華清宮詩御

一 索迷萱草
妬石榴

天襟

梁簡文帝上巳侍宴林光殿曲水詩芳年留帝賞應物動一一

天絲

庾信行雨山銘——劇藕蝶粉多塵溫庭筠
吳苑行小苑有門紅扇開——舞蝶共徘徊

天縉

鄭惓同韋舍人早朝詩才
良寄——趨拜侶朝簪

天宸

徐陵雙林寺傳大士碑帝於華林園重雲殿自開講三慧般若經窮須真之所問御法勝之高堂黑

貂朱紱王侯滿筵國華民秀公卿連席乃令大士獨擗
對揚一一并遣傳詔及宣傳左右四人接受言論又

報尹義尚書不棄忝亞
宗卿非得侵官——

天版

宋史輿服志衮冕一尺闊一尺二寸長二尺四寸今製廣八寸長一尺六寸元史輿服志至元

十二年十一月博士議擬冕——長一尺六寸廣八寸
前高八寸五分後高九寸五分身圍一尺八寸三分用
青羅為表紅羅為裏周迴緣以黃金——下四
面珠網結子花素墜于前後共二十有四旒

天戈

唐書韓愈傳陛下即位以來躬親聽斷旋乾轉坤
開機闔開雷厲風飛日月清照——所麾無不從

順元史博爾忽傳奏曰勅賊敢禦——惟陛下憐臣
使臣一戰又田忠良傳二十年將征日本國名忠良

擇日出師忠良奏曰解陋海隅何足勞——不聽韓
愈石鼓歌周綱凌夷四海沸宣王憤起揮——又宋
史天文志——一星在招搖北王誅帝車

賦——屏跡而自韜兮蚩尤不敢長其旗

天刃

徐寅過驪山賦手
挂——足跳地紀

天弩

溫庭筠題翠微寺詩乾
符初得位——夜收鎗

天幄

梁簡文帝皇太子臨軒謝表問安寢門視膳

天帳

王維哭祖六自虛詩翰留覽詞入帝宮傳

天幕

李商隱假日詩誰向劉伶一內更當陶令北窓風曹松上廣州支使王拾遺詩明時應不諫

一稱仙才

徐昌圖木蘭花辭長垂一雙鸞舞旋炙銀笙雙鳳語

天羅

宋書樂志運屯百六解貫元皇勃興網羅江漢陳書高祖紀回茲地軸抗此真誥

一之與籠樊俱一物耳張目成一植髮成干櫓

楊炎鳳翔出師紀聖功頌序王勃遊廟山賦隔浮埃於

地絡披瀝氣於

天杖

周書宣帝紀帝自稱為天每笞捶人皆以百二十為度名曰

天械

韓愈雨中寄孟刑部聯句美君知道腴逸步謝
蘇軾游法華山詩嗟予少小慕真隱白髮青

衫
所

天几

李賀昌谷詩高眠復
玉容燒桂祀

天帚

荊州記天門山角上特生一竹倒垂拂拭謂之
張養浩田居自和詩山展野屏隨地遠風揮

雲空

掃

天索

陸龜蒙和襲美初夏遊楞伽精舍
次韻陰穴駭坤牢高蘿掛

天梳

舊唐書田游巖傳游巖抗志高潔一日冬晴就湯
泉沐髮晞於朝暉之下適所親者至曰高年何不

自愛游巖笑而答曰
醉閣次陳進道示惠韻
一日帽他復何需樓鑰白
與日帽且免供酒事

天梭

賈島早起詩秋寢獨
前興——星落織

天筆

齊書孔稚珪傳其中洪疑大議衆論相背者聖照
元覽斷自——李白溫泉侍從歸逢故人詩激

賞搖——承

恩賜御衣

天燭

蘇軾贈眼醫王生彥若詩
而況清淨眼內景含——

天鏡

齊書高帝紀自軒皇以降墳索所紀略可言者莫
崇乎堯舜披金繩而握——開玉匣而總地維德

之休明宸居靈極期運有終歸禪與能
古今兵略十卷論——出戰要訣一卷

宋史藝文志
梁簡文帝大

法頌序自憑玉几握——履璿璣而端拱居巖廊而淵
默又奉阿育王寺錢啟懸——於域中運大權於宇

內徐陵皇太子臨辟雍頌序握——而授河圖執玉
衡而運乾象庾信趙廣墓誌銘平——地紐增輝——

溫子昇大覺寺碑主上乃據地圖覽——乘六龍朝
萬國薛道衡老氏碑響發地鐘光垂——宋之問

遊禹穴詩石帆揺海上——落湖中陸游稽山道中

詩昨暮釣魚——北今朝采藥石帆東又病後往來

湖山間戲書詩結茅所幸

得佳處石帆——無纖塵

天麾

魏書盧昶傳若皇家經略方有所討必須簡將增
兵加益糧仗與之亢擬相持至秋——一動開拓

為易圖南之
計事本在今

天旆

晉書明帝紀論運龍輶於掌握起——於江靡燎
其餘燼有若秋原杜牧題池州弄水亭詩斷霓

燒漢旗怒

天旱

張說行從方秀川與劉評事文同
宿詩方秀美盤遊頻年降——

天仗

宋史樂志——回曉闕皇輿入應門 溫公詩話

賦詩自趙元昊背誕西陲用兵廢缺甚久嘉祐末仁宗

始復修故事羣臣和御製詩是日微陰寒韓魏公時為

首相詩卒章云輕雲閣雨迎——寒色留春入壽杯

沈佺期白蓮花亭侍宴應制詩九日陪——三秋幸禁

林 又陪幸大平公主南莊詩鳳皇樓下交——鳥鵲

橋頭敞御筵 王維和僕射晉公扈從溫湯詩寒山——

——外溫谷幔城中 岑參和祠部王員外雪後早朝詩

西山落月臨——北闕晴雲捧禁闈 又寄左省杜拾

遺詩曉隨——入暮惹御香歸 韋應物溫泉行身騎

廐馬引——直入華清列御前 張良璞覽史詩海雲

引——朔雪留邊兵 劉威尉遲將軍詩——擁門希

授鉞重臣入夢豈安金 羅隱寄金吾李孫常侍詩曉

色嚴——春寒避火城 馬祖常都門

一百韻詩春旗——浮秋駕星河涸

天蹕

齊書竟陵王子良傳世祖好射雉子良諫曰鑒舉
亟動——屢巡陵犯風煙驅馳野澤萬乘至重一

羽甚微從甚微之懼忽至重之誠蕭至忠九月九
日登慈恩寺浮圖應制詩——三乘啓星輿六轡行

天車

常建太公哀晚遇詩遲遲詣——快快悟靈龜
儲光羲羣鴉隨——夜滿新豐村

天軸

王昌齡上李侍郎書伏願密運心鏡俾無逃形振
拔非常以資——皎然答裴集陽伯明詩星文

齊七政

一明二斗

天琴

梁簡文帝大法頌空華競下——自張又相宮
寺碑銘——夜下紺馬朝翔又明一統志——

山在安南國又安
府奇羅縣海邊

天鉢

異苑汲郡衛士度母家常飯僧時日將中母出齋
堂與諸尼僧逍遙眺望忽見空中有一物下正落

母前乃是——中滿香飯母自分行齋人食之皆七日
不饑黃庭堅——禪院準禪師舍利塔記維東福勝
故號

天瓢李繼本喜雨賦瀉——於八極散銀竹於千峰
表桷上京雜詠月窟寬如雪——酒似泉

天磨名——記潞河源出河南信陽州經應山縣至——
池入孝感縣境相傳河中有大石高數丈如磨故名

天毬陳陶望月詩擬拋雲
上鍋欲接——邊——

天鞬陳植金馬門賦偉丰毛
之神異鼓——之至和

天杯上官昭儀駕幸三會寺應制詩宸翰陪瞻仰——
接獻酬無可菊詩野香盈客袖禁蕊泛——

天香

宋史樂志祥煙瑞靄雜一 | 莞磬發聲長 | 法苑珠

注爾時諸神天人側塞空中散一 | 花

水經

林天童子 | 一甚香爪甲赤薄又處處有散天花 | 上

間天伎樂 | 全唐詩話唐文皇好詩大和中賞牡丹 | 上

謂陳修已曰今京邑人傳牡丹詩誰為首修已對曰中

書舍人李正封詩 | 一 | 夜染衣國色朝酣酒時楊妃侍

上曰妝臺前宜飲以一紫金盞酒則正封之詩見矣

梁簡文帝大愛敬寺刹下銘序仙衣梵帶去鴈塔而來

遊 | 一 | 風笙辭鶴城而下集 | 庾信冬積崖佛龕銘雷

乘法鼓樹積 | 一 | 趙蕃月中桂樹賦臨紫極而 | 一

不散指北斗而仙花可摘 | 李綱蓮花賦貯盈盈之真

色汎苒苒之 | 一 | 曹組良歡賦綺疏凝霧 | 一 | 散風

陳植金馬門賦袖 | 一 | 之馥郁隨雲駕之飄飄 | 庚

信同泰寺浮圖詩 | 一 | 下桂殿仙梵入伊笙 | 沈佺期

樂城白鶴寺詩潮聲迎法鼓雨氣濕 | 一 | 宋之問雨

從箕山來詩向夕間 | 一 | 淹留不能去 | 又靈隱寺詩

桂子月中落——雲外飄
岑參上嘉州青衣山中峰

詩猿鳥樂鐘磬松蘿泛——
孫逖酬萬八賀九雲門

下歸溪中作詩更憶登攀處——
滿袖歸
韋應物清

都觀答幼遐詩解組一來款披衣拂——
張說峽山

寺詩——涵竹氣虛明引松風
白居易寄韜光詩遙

想吾師行道處——桂子落紛紛
溫庭筠苦棟花詩

——薰羽葆宮紫暈流蘇
王初延平天慶觀詩嵐氣

濕衣雲葉晚——飄戶月枝春
李羣玉法性寺六祖

戒壇詩——開茉莉梵樹落菩提
又登蒲澗寺後二

巖詩樓臺籠海色草樹發——
李郢江上逢王將軍

詩雕沒夜雲知御苑馬隨仙仗識——
皮日休送令

孤補闕歸朝詩朝衣正在——
裏諫草應焚禁漏中

陸游明覺院詩——下塵世僧梵起雲中
王惲三山

元日詩臺蕪——簇絳紗三山簫鼓樂年華
袁桷早

朝興聖宮詩——隨輦凝

三素風絮沾袍點六花

天火

左傳宣公十六年夏成周宣榭火人火之也凡火人火曰火一日災史記景帝紀三年一一燔

雒陽東宮大殿城室蜀志劉焉傳劉焉為益州刺史

志意漸盛造作乘輿車具千餘乘後被一一燒城車具

蕩盡宋書符瑞志武王伐紂度孟津中流白魚躍入

王舟王俯取魚燔魚以告天有火自天止於王屋流為

赤鳥烏銜穀焉穀者紀后稷之德火者燔魚以告天

一流下應以吉也齊書五行志永元三年正月豫章

郡一一燒三千餘家京房易占曰一一下燒民屋是謂

亂治殺兵作是年臺軍與義師偏眾相攻於南江諸郡

易林一一大起飛鳥驚駭雲笈七籤道君於玉天

瓊房金闕上宮命東華青宮尋俯仰之格揀校古文撰

定靈篇集為寶經傳至漢武帝時得經起栢梁臺以貯

之帝既為神真所降自云得道放情怠懈不從王母至

言明年一一燒栢梁臺經飛還太空於茲絕跡東方

朔七諷觀一一之炎燭兮聽大壑之波聲柳宗元賀

王參元失火書乃今幸為一之所滌盪凡衆之疑慮
舉為灰埃 白居易古社詩寄言狐媚者一一有時來

劉禹錫道林薺麓二寺詩淺流

忽濁山獸過古木半空一一痕

天樂

史記趙世家趙簡子疾五日不知人扁鵲曰不出
三日疾必間居二日半簡子寤語大夫曰我之帝

所甚樂與百神游於鈞一廣一九奏萬舞不類三代之
樂其聲動人心 元史百官志一一署初名昭和署秩

以六品管領河西樂人至元十七年始置大德十一年
陞正六品至大四年改為一一署又輿服志一一一

部一一署令二人本品服騎分左右領押職二人弓角
鳳翅金花幘頭紅錦質孫襖加欄金束帶花鞵 王丘

奉和聖製答張說扈從南出鼠雀谷之作一聞一一唱
恭遂萬人和 胡元範奉和太子納妃太平公主出降

詩聖文飛聖筆一一奏鈞天 王維重陽節應制詩玉
堂開右个一一動宮懸 李白宮中行樂詞春風開紫

欽定四庫全書

卷四

殿一一下朱樓杜甫岳麓山道林二寺行五月寒風

冷佛骨六時一朝香爐劉禹錫題集賢閣詩長聽

餘風送一時登高閣望人寰又八月十五日夜桃

源翫月詩雲耕欲下星斗動一一聲肌骨寒王建

華清宮感舊詩有時雲外聞一知是先皇沐浴來

章孝標題東林寺詩日映砌陰移寶閣風吹一動金

鈴又音洛莊子整萬物而不為戾澤及萬世而不為

仁長于上古而不為壽覆載天地刻雕衆形而不為巧

此之謂一又天機不張而五官皆備此之謂一

無言而心說法苑珠林偈言行惡感地獄造善受一

一明一統志一觀在嚴州府

淳安縣東北四十五里五代時建

天酒神異經西北海外有人長二千里兩脚中間相去

千里腹圍一千六百里但日飲一五斗瑞應

圖甘露美露也神靈之精仁瑞之澤其凝如脂其甘如

飴一名膏露一名一一鼎錄宣帝甘露元年於華山

仙掌鑄一鼎高五尺受四斗擬承甘露刻其文曰萬國
伏貽長久鑄神鼎承一法苑珠林諸大部若有渴
時即於其前有大寶器盛滿一隨福上中下白赤黑
色本草甘露釋名膏露瑞露一神漿梁簡文帝
謝勅賚銅供造善覺寺塔露盤啟陽燧舍景還譬日輪
甘露入盤足稱一徐陵雙林寺傳大士碑四徹之
中恒泣甘露六旬之內常雨一盧思道為百官賀
甘露表豈若神漿可挹流珠九月之前一自零凝照
三階之下李嶠甘露殿侍宴應制詩御筵陳桂醕一
酌榴花岑參尹相公京兆府中棠樹降甘露詩為
君下一一麴蘖將用時鮑溶玉山謠閒開玉水灌芝
草靜醉一一松間眠陸龜蒙入林屋洞詩又坐紫泉
先甘如
酌一

天牲

公羊傳免牛非禮也免牛何以非禮傷者曰牛注
養牲不謹敬致災傷天不饗用不得復為一一故

以本牛名之非禮者非一一不當復見免但當內自省責而已又帝牲在于滌二月注滌宮名養帝牲三牢之處也三牢者各主一月取三月一時足以充其一禮記帝牛不吉以為稷牛疏先卜帝牲養之有災更引一一卜之以謂一一養之凡當二卜爾復不吉則止不郊

天供

王維奉和聖製玄元皇帝玉像詩承露調一一臨空敞御筵

天膳

常袞謝賜甘蔗芋等狀既登一一實表地成太和之理於斯可見王建上李吉甫詩金鼎調和一一

一美瑤池沐浴賜衣新又遼史太宗紀天顯三年五月丙午建一一堂

天味

蔡襄北苑詩靈泉出地清嘉卉得一一

天甘

法苑珠林佛以神德即變火坑成七寶池八味具足飲飯一一食者充悅

天癆

嶺表錄異瓦屋子蓋蚌蛤之類也殼中有肉紫色而滿腹廣人尤重之多燒以薦酒俗呼為一一灸

天財

後漢書南匈奴傳論至於窮竭武力單用一一歷紀歲以攘之寇雖頗折而漢之疲耗略相當矣

鹽鐵論王者塞一一禁關市執準守時以輕重御民

天用

書洪範次九曰嚮用五福威用六極傳言天所以嚮勸人用五福所以威沮人用六極疏傳於五福

六極言一一以前並是人君所用五福六極受之於天故言一一史記平準書又造銀錫為白金以為一一

莫如龍地用莫如馬人用莫如龜故白金三品其一曰重八兩圜之其文龍名曰白選直三十二曰重差小方

之其文馬直五百三曰復小橢之其文龜直三百杜甫遣興詩一一莫如龍有時繫扶桑頓轡海徒涌神人

身更長

天物

書武成暴殄一害虐烝民疏一語闕人在其

謂天下百物鳥獸草木皆暴絕之禮記王制無事而不田曰不敬田不以禮曰暴一陸龜蒙南涇漁父

詩孜孜戒吾屬一不可暴又後漢書鄧皇后紀上考詩書有虞二妃周室三母修行佐德思不踰闕未有

內遭家難外遇災害覽總大麓經營一一功德巍巍若茲者也

天聚

晉語公子過衛衛文公有邢翟之虞不能禮焉寧莊子言於公曰康叔文之昭也唐叔武之穆也周

之大功在武天昨將在武族苟姬未絕周室而俾守一者必武族也注聚財衆也

天藏

齊書張敬兒傳聖明啟運蒼生重造普天率土誰不歌抃實是披心罄節奉公忘私之日而卿大牧

官妓劫奪一一器械金寶必充私室吾不知子孟孔明遺訓如此王謝陶庾行此舉止范成大望海亭賦發

遺址於巖局彈
巧妙於一一

天座

劉子翬四不忍詩危城屑麴
驚雲擾簾簾無光一一香

天駕

蕭至忠薦福寺應制詩地
靈傳景福一一儼鈎陳

天轡

宋祁藉田頌壽屏注鎧肅給乎
師營蒼蚪范馭秋遊乎一一

天羈

李東陽後東山草堂賦却驚
飄於陸海解故繫於一一

天御

傅元夫題詩願得並一一六龍齊玉羈
侍讀見和山邸十篇詩乘時警一一清暑滌宸襟
李嶠劉

天輪

宋史輿服志大輦神宗已後其制赤質正方油畫金
塗銀龍鳳裝朱漆一一一金塗銀頂龍一四面施行

龍一十六火珠四四角龍頭四穗毬一十二頂輪施耀
葉紅羅輪衣一級銀鈴紅羅絡帶二金丹諸真元奧

詩撥動——旋日月須臾海嶠起雲雷
溫子昇大覺
寺碑乘法船以經度駕——而高舉
李白上雲樂撫

頂弄盤古推車轉——趙雍七夕詩
夜深只恐——轉地底相逢未可知

天輻
張衡天象賦——備於
舉輦鍵閉守於關梁

天陣
陳同宋書禮志徽焯——容藻神行翠蓋懷陰羽
華列照
唐書員半千傳高宗御武成殿問兵家

有三陣何謂耶半千進曰臣聞古者星宿孤虛——也
山川向背地陣也偏伍彌縫人陣也臣謂不然夫師以
義出沛若時雨得天之時為——足食約費且耕且戰
得地之利為地陣舉三軍士如子弟從父兄得人之和
為人陣
六韜武王問太公曰凡用兵為——地陣人
陣柰何太公曰日月星辰斗杓此為——丘陵水泉有
前後左右之利此謂地陣用車用馬用文用武此謂人
陣
握奇經——十六內方外圓四面風衝其形象天

為陳之主為兵之先潛用三軍其形不偏
許敬宗奉
和執契靜三邊應詔詩曰羽廓遊氣——清華野陳

子昂出塞詩星月開——山川列地營
元稹月詩老將占——幽人釣石磯

天營
宋之問扈從登封告成頌應制
詩御路迴中岳——接下都

天騎
唐書兵志至德二載置左右神
武軍亦曰神武——制如羽林

天醴
蘇軾人參詩元泉傾
海腴白露灑——

天鐵
酉陽雜俎唐高宗時伽毗葉國獻——熊大如狗
蒼色作聲諸竅皆沸能擒獅象虎狼腔中有筋大

如鴨
卯

天燎
公羊傳注——地瘞日月星辰布山縣水沈風磔
雨升疏解云爾雅祭天曰燔柴者蓋以燎柴而燔

之故謂祭
為燔柴

天蓬 素問火欲升而——室抑
之火欲發鬱亦須待時

天藻 李適遊禁苑遇雪詩寫
曜銜——呈祥拂御衣

天什 崔泰之奉和聖製送張尚書巡
邊詩餞送紆——恩榮賜御衣

天樹 雲笈七籤南方伊沙陀國國外有長洲一名青丘
去四方之岸二十萬里則生——長三十丈大者

二千圍 又齊書顧歡傳今火澤易位三靈改
憲——明德對時育物搜揚仄陋野無伏言

天枝 王僧孺禮佛唱藻發願文夫——峻密帝葉英芬
莫不玉振蘭搖金鏘桂綽 柳宗元祭李中丞文

矯矯勁質擢於——
式是邦族象其羽儀


天芳

雲笈七籤禪喜導
靈氣元嘯飛——

天部

顏延之侍東耕詩提封
經地域辰角麗——

御定駢字類編卷四



總校官庶吉士臣侍朝

校對官檢討臣龔大萬

謄錄監生臣杜成